



# «Ттула арснал буккин къисмат къавхъусса махъру на хас буллай бура зун»

Обруснал театрдануу Ватан дуруччулт лахъа-хъун буллалисса мажлисрай НурмаИаммадул ниттил Сапижатлул бувсса ихтилатрал цинявпа хъювсул буккан бунни.

5  
лаж.



№8  
(2174)


3 МАРТ 2023 ш.

РЕСПУБЛИКАЛУЛ ЖЯМАТИЙССА ВА СИЯСИЙССА ККАЗИТ

Кказит буллай бивкИсар 1917 ш.  
Цунил итабакълан бивкИсар 1991ш.

## Дагъусттаннал рувхІанийсса тавхана

Март зурул цанний халкъуннал шаэр Расул ХІамзатовлул 100 шинал шадлугъиртгал дайди хъуссар.



Март зурул цанний Дагъусттаннал БакІчи Сергей Меликов шинал шадлугъиртгал дайди хъу дуллалисса мажлисрай Обруснал театрдануу.

зыкалул ва поэзиялул композициялийну.

Меликовлул цала ихтилатраву КІицІ лавгуна Расул ХІамзатов ярусаннал поэзиялуу бюхттулсса лахъазаннуну ивкІхурчагу, тачІав так ярусаннал шаэрну къаивкІшиву, ва щалвагу Дагъусттаннал ва Аьрасатнал цІанияту чичлачисса вакил ивкІшиву. КІицІ лавгуна Расул ХІамзатовлун тІайлабацІу хъушиву цува сагъну унийва классик хъунсса ва ванал шалла дуниялун тІивтІушиву Дагъусттаннал рувхІанийсса тавхана.

– Шаэрнал юбилейрал шадлугъру дувантІиссар федерал лагрулий, Москвавив ПаччахІлугърал Кремлилул чІальаьлуу, Санкт-Петербургуллал Александринский театрдануу, Минскрай, Бакуй. Федерациялул Советрай дикІантІиссар ХІамзатовлул къинирду, –увкунни Меликовлул.

Дагъусттаннал цалчинма президент МухІу Аьлиевлул

→ Ахир 2 лаж.

Февральданул 28-ний хъунни ДР-лул Халкъуннал Мажлисрал 20-мур сессия. Ва бачин бувну ия парламентарал председатель Заур Аскендеров.

Сессиялул хъунмур масъала бия 2022 шинал ДР-лул ХІукуматрал дурсса давуртгал хІисав-китав (отчет) даву.

## Шинал мутталий дурмунил хІакъираву



Масъалалул хІакъираву махъ лавхъунни ДР-лул ХІукуматрал Председатель Аьбдулмуслим Аьбдулмуслимовлул.

«ХІурмат лавайсса Сергей Аьлимович! ХІурмат лавайсса Заур Асенович! ХІурмат лавайсса депутатъгал, овькуну бивкІми!»

2022 шин Дагъусттан Республикалун, Щала билаятран кунна, ларгунни къатІаллил къадусъсса билаятиртгал чулухату санкцияртту баян бувсса тагъардануу, мукунна къаххуйсса эпидемиологиялул ва хасъсса дяввилул операциялул чІумал.

Яла хъунмур къулагъас дуллай бур СВО-лий гуртту хъанхъисса жула ватанлувтурацІун кабакъаврих ва миннал кулпатиртан кумаг баврих.

ДР-лул БакІчи Сергей Меликовлул тапшурлугърайну дузал бувссар Дагъусттаннал социал фонд «Циняв чачІу», мунил кумаг буллай бур СВО-лий гуртту хъанхъисса аьралитурал кулпатиртан. СВО-лий гуртту хъанхъисса инсантуран ва миннал гъарца кулпатран дуллуссар 100 азарда къуруш.

Даиман гуманитар кумаг буллай бур жулва цІусса территорияртган.

Ялун ххи бувсса социал кумагру буллай бур хушрай СВО-лий гуртту хъусса ва мобилизациялул бувсса инсантуран: кумаг буллай бур ми давуртгал дузал буван, вузирдавун дуклан буххан, студентътурая дукъаврихлу багъа къаласаван, миннал стипендияртту булан, оьрчІ-бакІ ясли-садикирттаун къамул булан, миннал кулпатиртгал хъунив хъусса члентуран ва инвалидтуран социал хІаллихшинну дулан.

ХІурмат бусса депутатъгал! ДР-лул ХІукуматрал хІарачат буллай бивкІсар экономика лядуккан дуван ва социал ишру цалий бацІаврицІун кабакъин.

Жу хІадур дурссар экономика цалий дацІаву лядуккан даврил план. Кризисрайн къаршисса чаранну, мукунна цІусса нигъачІавуртгал хъхъичІаллу къукъинсса давуртту Республикалул ХІукуматрал ххал дигъайсар Оператив штабрай.

→ Ахир 2 лаж.



ПатІимат РАМАЗАНОВА

Мажлис байбишин хъхъичІ театрданул фойелуу Меликовлул ххал дунни шаэрнан хас дурсса выставка. Ккакки-ялун дирхъуну дия ПатІимат

ХІамзатовал цІанийсса Магъирлугърал музейрал ва Национал библиотекалул фондирттавацца экспонатру. Шадлугъ дайди-хъуна Дагъусттаннал художник Халил-баг Мусаясуллул дурсса суратру ккаккан дуллалисса му-

## Дагъусттаннал рувхланийсса тавхана



→ Дайдихъу 2 лаж.

Кичи лавгуна шаэрнал 100 шинал юбилей билаятрай лахъахъунну дуллай бушиву, му-

нал бюхттулсса гъунарданиян мукIруну бушиву ва шаэрнал шаллагу творчество патриотизмалул видурцIусса душиву.

Аьрасатнал Чичултрал союзрал правлениялул председатель Николай Ивановлул, Расул Хамзатовлул творчествалун лахъсса кьимат бишлай, Кичи лавгуна ванал цIа шаллагу Аьрасатнаву машгъурну душиву, юбилейгу гъар КIанай – Москвавил, Ураллай, Ссивирнаву, Архмур Востокрай дуллантишиву.

Шаэрнал душнил, Дагъусттаннал Магъирлугърал музейрал директор Салихат Хамзатовал, барчаллагъ увкуна билаятрал ва республикалул хъуниминнахъ, буттал творчествалухсса къулагъасрахлу. Хъиригъ ккаккан дурна Республикалул Культуралул министерствалул хIадур дурсса, юбилейрал оьрмулия ва творчествалия бусласисса видеосурат. Концертнал программалулу шаэрнал мукъуртгийсса балайрду увкуна, ванал яла машгъурми произведенийарттавацца бутIри ккаккан бувна.

– Хисаврттал чIалачи буллай бур республикалул аьркинну бушиву, дукIумур шинах бурувгун, гъашину цацIусса бюджетрал дохдралмур бутIа чанма-чанну 10 % хъун буван. Му дуван бюхъайсса давур, мунисса каширдугу республикалий дур, – кунни Дагъусттаннал БакIчинаял.

ДР-лул УФНС-лул каялувчинаял буржру бартбигълагъима Нуруллагъ Хизриевлул бувсунни 2022 шинал идаралул дурсса давурттал хIакъираву. Мунал тIимунийну, налогирттал къуллугърал зузалтрал дурну дур рейдру, давурттай битайминнашалсса ихтилатру, бувчIин бавуртту, объектру налогирттал сияхIрайн ласавуртту. ДукIусса шинал ахирданияннин Дагъусттаннай налогирттал сияхIрайн (учетрайн) лавсун бур 27 873 идара ва 39,5 азара ишбазаранчи.

Республикалул бюджетрал агъамми ккаккирттал хIакъираву махъ лавхъунни ДР-лул финансирттал министрнал буржру бартбигълагъима Шамил Дабишевлул. Ванал тIимунийну, бюджет шаллу буллалимину хъанахъиссар инсантурал дохдирттаясса налогру, идарарттал дучIия (прибыль) ва акцизу. Биттур дурну дур план-

## Бюджет хъунма баврил комиссиялул батIаврий

Дагъусттаннал БакIчи Сергей Меликовлул мартрал 1-ний дунни Республикалул цацIусса (консолидированный) бюджетрал дохдралмур бутIа хъун баврил комиссиялул батIаву.



далул ккаккиртту ГСМ-рал ва акцизиртталсса, идарарттал дучIиялул налогиртталсса, транспортрал налогиртталсса, госпшлиналулсса, профессионал дохдирттал налогралсса.

Дагъусттаннал экономикалул ва территориярттал лябуккул министр ХIажи Султановлул махъ лавхъунни республикалул цацIусса бюджетравун дохдур гъарза даврил хIакъираву.

Сергей Меликов рязи хъунни ванал маслихIатирттай.

МахIакъыалыв дохдур гъарза даврил хIакъираву махъ лавхъунни хъун шагърулул бакIчинаял буржру бартбигълагъима Ризван ГъазимахIаммадовлул. Ххал бигълагъисса масъалалул хIакъираву махъ лавхъунни мукунма ДР-лул Счетрал палаталул председатель Билал Жяьпаровлул.

БатIаврил ахирданиян Сергей Меликовлул бувсунни республикалул бюджетрал дохдрал бутIа хъун баврил иширттавах хIала буххан аьркинну бушиву влаьтрал циняв вакилтал.

## Мухтарбий Аджиков хъунаавкъунни журналистътурацал

Мартрал 1-ний хъунни ДР-лул шярваллил хозяйствалул ва бакIлахъиялул министр Мухтарбий Аджиковлул пресс-конференция.

ХI. АБИЛОВ

Цанасса ппурттуву Дагъусттаннай хъуннасса къулагъас дуллай бур дуняялул халкъунал дянивсса уртакъшиврул масъаларттах. Угтигъанну ДР-лул ХIукуматрал председатель Абдулмуслим Абдулмуслимов ва цаппара идарарттал каялувчинаял бувкIунни Азирбижаннал Республикалийн. КIивагу чулухаллил къулбасру дунни 2023-2025 шиннардий хIала-гъуртгуну зунсса давурттал пландалий. Миннувах бур КIирагу республика агропромышленностьрал комплексраву уртакъну зузаврил хIакъиравусса документ.

Министрнал бувсунни Пре-



Мухтарбий Аджиков

зидент В. Путинлул Рисалалулу хъуннасса къулагъас дурну душиву агропромышленностьрал комплекс лябуккан баврил масъаларттах.

– ПаччахIлугърал бакIчи-

нал личIину Кичи дунни 2022-ку шинал АПК-лул хъьичIуннайшивуртту. Ватандалул шярваллил хозяйствалул тамансса хъин чулийсса ккаккиртту хъун дурну дур, цаппара къадусъсса билаятирттал хъьичIуннайшивуртту шаврил хъьичIалу къукин хIарачат буллалисса чIумал. Президентнал жула хъузалтран ва ризкичитуран лавайсса кьимат бившунни. Дагъусттан ХIисавну бур билаятрал хъьичIунми регионнавацца цану, АПК-лул цаппара арарду ХIисавну. Вай ХIисавравун ласурча, жува цалчинмигума хъанай буру. Жу хIарачат булланну ва хъьичIуншиву цахъисгу хъун дуллан, Аьрасатнал Федерациялул дукиялул мюхчаншиву шаллу давриву захIмат ххишала бихълай, – кунни Аджиковлул.

## Шинал мутталай дурмунил хIакъираву

→ Дайдихъу 2 лаж.

Гъарца кьини дайссар дукиялул ва къадукьялул хъуслил ва миннул луртаннал багърал мониторинг.

ЛяличIину къулагъасрайн лавсун буссар экономикалул реал секторданун ва агъалинан кумаг баврил ишру. Бизнесран ккаккан дурну дур налогирттал хIаллихшинну ва преференциартту, хIаллихшиннал заемру ва кредиту. Бизнесрансса налогирттал ставкартту бур яла лагъми.

Инсантурахъ цила чIумал буслай буру социал выплатарттал ва цаймигу кумагрансса чараннал хIакъираву. Ми циняв чараннал хъин чулийсса хIасиллу хъун дунни.

Шинал хIасиллайн бувну лябукку хъунни промышленностьрал давурттаву – 108,5 %, шярваллил хозяйствалулу – 101,0 %, строительствалулу – 100,7 %, розничалий маша баврил – 101,5 %, агъалинан багълухсса хIаллихшинну даву – 103,1 %, хъус итадакъаврил ва хIаллихшинну даврил индекс лахъ хъуну бур 2,2 %.

2022 шинал агъамсса хIукму хъуссар 2030 шинайннинисса ДР-лул Социал-экономикалул стратегия къамул даву. Муний ккаккан бувну бур республикалул экономика лябуккан даврил агъамми мурадру ва приоритету.

Муний стратегиялул ххуллурдуну ккаккан бувну бур инсаннал потенциал лябуккан баву, агъалинал социал буроччаву ва мюхчаншиву, инфраструктура ххуй-хъин даву, экология дурччаву.

Ми шиннардий Дагъусттаннай бартдигинтиссар 510 млрд къуруширттансса 5 инвестициялул проект ва дузал бантIиссар 21 азарва зузи КIану.

Республика гъуртту хъанай дур 13-ннагу национал проектравах, миннул лагурий жура бартдигинтиссар 52 региондалул проект, ми дацIантIий дур 33 млрд къуруширттан.

Угти бусанна экономикалул агъамми арардал тагъардая.

Промышленностьраву дукIу зий байбихъунни цIусса 3 завод.

Аьмну промышленностьрал аралулу бартдигълай бур 14 инвестициярттал проект, миннул багъа бур 14,3 млрд къурушуру. Ми проекту чулийн дуккан дурукун, республикалий дузал хъунтIий бур 2,5 азарва цIусса зузи КIану.

ХъьичIуннайшивуртту хъуну дур куклурмул промышленностьравугу. Махъсса 6 шинал мутталай 30-ла гъарза хъунни усру итадакъаврил лагру. Махъсса ппурттуву итадакъалан бивкIунни СВО-лий гъуртту хъанакъисса аьралитурансса янна.

2022 шинал республикалул бюджетраву кумаг бувну бур 29 идаралун, миннун итадаркъуну дур 277 млн къурушуру, дузал бувну бур 505 цIусса зузи КIану.

Ларгсса шинал бювхъунни шаллуну зузи буван КЭМЗ концерн. Му заводран дукIу

заказ диркIхъурча 5 млрд къурушрансса, гъашину дикIантIий дур 8 млрд къуруширттансса паччахIлугърал заказ.

Инвестортал КIункIу баву мурадрай республикалий зий бур 7 индустриал парк, миннул аьрщарай зий бур 38 резидент, дузал бувну бур 1300 зузи КIану.

Республикалул экономикалул агъамсса бутIану хъанай бур агропромышленностьрал комплекс, мунийн хъарну дур агъалинал дукиялул мюхчаншиву. Аьрасатнал Федерациялул субъектирдаву жува хъьичIунсса КIантурду бугълай буру ахъулссаннул, ахънилссаннул, ппиринжрал, къюмайтIутIул бакIлахъия ласавриву, мукунна дикI, ппал ва яттил нис ласавриву.

2022 шинал агропромышленностьрал комплексрал циняв арарду лябуккан дуван итадаркъуну диркIиссар 4 млрд къурушуру. Ххяххияртту дугъавриву къалмул бакIлахъия ласаву 2021 шинах бурувгун гъарза хъуну дур 3 %, ппиринжралсса – 16,1 %, ахънилсса – 2,9 %, ахъулсса – 4,6 %.

Ларгсса шинал къюмайтIутIул бакIлахъиялул 70% тIайла бувкссар зана-къала баврийн (на переработку). Республикалий миннуя дуллай бур хъунмурчIин коньяк ва виноматериалулу.

Жулла яттил дикI хъуссар личIисса бренд. МуницIунма жула ишбазаранчитал зий бур накIлил яттихагу.

Ларгсса шинал зий байбихъунни ахънилсса сахла дайсса 3 къатта (овощехранилище), миннул лагру дур 6 азарда тонна. Республикалий аьркинну бур ттигу мукунмасса 200 азарда тонна лагру дусса къатри.

ХIурмат бусса депутатътал !

2022 шинал республикалий бартдиргуну дур 19 мелиорациялул проект.

Ца агъамсса ишну хъанай бур Карагалиннал узелданул реконструкция даву. Мунийнун шин дини бюхълай бур хъу-лухччинул 114 азарда гектарданиян. Му объектрал шалла реконструкция дувантIий бур 2024 шинал.

2022 шинал бувгуну бур 42 азарда тонна чавахьирттал, 2021 шиналминнух бурувгун ххишала 130,6 %.

2022 шинал республикалул энергосистемалулу аьркин бувну бур сайки 8,5млрд кВт, хъьичIумур шинах бурувгун 10% ххишала.

Республикалий дурну дур 1 млн кв.метра къатрал.

2022 шинал бувну бур 377 социал ва коммунал инфраструктуралул объект.

ДР-лул ХIукуматрал Председательнал бувсунни мукунма федерал проектирдал лагрулий дурсса ва цаймигу давурттал хIакъираву.

Яла Абдулмуслим Абдулмуслимовлул жавабру дуллунни депутатугътал буллусса суаллахъхъун.

ХIадур бувсар  
ХI. АБИЛОВЛУЛ

Сергей Меликовлул «Дагъусттан» ГТРК-лул председателнахъхун дуллусса интервьюрава

## Президентнал Рисалалул хъири



**Л.Аблиханова:** Сергей Аблимович, уттигъанну ина зана хъунна Москва, тикку ина гуртту хъанай ияв билаятрал Президентнал Аьрасатнал Федерал Собраниялийнсса Рисала дуккавриву. Тикку хъунмур тема дия хасъсса аьралий операция ва мунил гурттучитуран, миннал кулпатирттан ва цаймигу аьралитуран кумаг баву. Президентнал тавакью буну бия аьралитуран ва ветеранурал кулпатирттан кумаг баврил хасъсса паччахьлугьрал фонд сакин буван. Республикалий мукунсса фонд ларгсса шинал сакин буну бур «Циняв цаЧу» тисса цанилу вил сипталийну. Жунма чалай бур му чялишну зий бушиву.

**С.Меликов:** Президентнал хукуму бунни аьралитуран кира нюжмардийсса отпуск булун гьарца ряхва зурувату, ххулунсса гьантри кьахисавну. Му хъхъичьва закондалий бакъасия.

Залдануву бия чявусса волонтертал. Бия чявусса жагьилтал «Щалвагу Аьрасатнал халкъунал фронтрал» вакилталну бувкисса. Му фронтрал дартун дур 5 млн кьуруш арцул СВО-лул гурттучитуран ва АьФ-лул цусса субъектирдайсса ялапартурансса кумагран.

Рисалалул хъунмасса бутга хас буну бия дуняллул халкъунал дянивсса, кьатгаллил политикалул тагьарданун. Бивщунни хъакьину хъанахъисса иширттансса кьиматгу.

Цалчинсса тезисирттавацца ца бия СВО-лун кумагрансса паччахьлугьрал фонд сакин буван хукуматрайн тапшур баврил хъакьивусса. Тун хъинну тлаьнну бия му баяву, цанчирча тун му бивзуна Владимир Владимировичлул хъин чулий ккаклакисса кунна республи-

жува ливчун буру гара тагьарданыйва.

Владимир Владимировичлул тамансса бувсуна хъунмасса бизнесраятгу, хъунисса ишбажаранчитураятгу. Жула цаягу бизнесмен, ишбажаранчи дазул кьатлув кьалавгунни, му пахрулунсса ишири. Ми циняв ливчунни жула билаятрай. Дазул кьатлув кьалавгунни мукунма я артистгал, я алимтал. Мунил исват буллалиссар жула дагъусттанлул Аьрасатнал патриотгал бушиву.

Жула ур сенатор Керимов Сулайман Абусаидович, ганал хъунмасса кабакьу буллау ур Аьрасатнал Федерациялуцун. Мунир ххишалагу, ганал цала сипталийну, цалла арцух сакин бунни ливтусса аьралитурал ниттихъансса хлаж.

**Л.Аблиханова:** Рисалалулу тамансса бувсун бур кьулшиву дулаврил хъакьиву, хаснува дянивмур даражалул пиша ляхъхайсса дуккаврилу хъакьиву. Ганал бивхъунни балжисса масъала, 5 шинал мутгалий аьркину бушиву хладур буван миллион пишакартал. Му масъала цукун бартбигьлай буссар жучава?

**С.Меликов:** Республикалул му бунялагу захьматсса масъалану хъанахъиссар. Жучара дур лядукалакисса арарду. Хасъсса пишакартал бакъахурча, жушава кьахъунтиссар хъхъичунмай бачин.

Жучава бур 5 хъинсса вуз, миннуца хъунсар цацава дузал буван ссузру, цайми фирмарду, микку хладургу буллан зун гьира бусса жагьилтал.

**Л.Аблиханова:** Цукун бартбигьлай бур жула республикалий госпрограммартту ва нацпроектру?

**С.Меликов:** Рисалалулу Президентнал кунни, Аьрасат хъхъичунмай най бивкиссар, най буссар, ттинияр тийнмайгунантиссар, национал проектирдал ва паччахьлугьрал программартту бартбигьлай, 30-ку шининин. Кьичи бан аьркинсса зат бур, захьматсса бур бюджетру, федерал ва республикалулссагу, гьашину жунма багьну бур бюджетрай ка дишин, амма нацпроектру кьаритан кьабучиссар, ми ласун аьркинссар махъсса чумалнин, цанчирча ми чара бакъа бартбигьин аьркинссар.

**Хладур буссар  
Х.АБДИЛОВЛУЛ**

Март зурул цанний Дусшиврул кьатлуву хъунни «СМИ ва Граждан обществалул институтру» тисса ккуркки стол. Ванил дайди ху дуллалисса ихтилатраву республикалул национал политикалул ва диндалул иширтгал министр Энрик Муслимовлул кьичи лавгунни Дагъусттаннал хъунама Сергей Меликовлул хъунмасса кьулагъас душиву граждан обществалул институтирттах.

## СМИ-лул ва граждан институтирттал бияла



**П. РАМАЗАНОВА**

– Хъакьину хасъсса аьралий ишру най бушивугу хисавравун лавсун, СМИ-лул ва граждан обществалул институтирттал уртакьну зузаву ца кьакьсса дикан аьркинни, магьрибулал билаятирттал службардал республикалийн информациялул тагьар оьлукьин дувансса хларачатгу бухьувкун. Дакний бухунсархха республикалий сентябрь зуруйсса ишру, регионалий гьургъаза дуван ччисса хларачат. Чявусса миллатру ва личиличисса динну дусса Дагъусттан Ухсавнил Кьавказнаву яла хъунмур республика духьувкун, магьрибулал спецслужбардал кьатга бизан ччимур клану жулла республика дур. Жучава хъанахъисса ишру миллатирттал ва диннал иширттан ккалли буллау бур, иш диннаву ва миллатирттаву бакъанугу, – увкунни министрнал.

Дагъусттаннал Информациаьлул ва печатрал агенствалул хъунаманал цалчинма хъириччу Наида Махьаммадова кьичи лавгунни информациялул дуняллий ларгсса шин республикалул кьабигъасса диркьиву.

– Хасъсса аьралий ишру байбихъуния шийнмай жулла республикалийн информациялул гьужумру най бия. Жул агентствалул диялсса даву дурссар ва уттигу дуллайнама буссар ми гьужумру байшун бувансса, ссаву ци буссарив аьшуйн шунну бувчин бувансса хларачатрай. Жагьилталгу гуртту чярусса мероприятияртту дурссар. Жул биялдарайсса идаратталгу хъакьмур бусса кушуй чалачи бувансса давуртту дурссар. Жяматийсса ишккаккултрал да-



**Наида Махьаммадова**

вугу агьамссар ва ххуллий, – увкунни Наидал. Дагъусттаннал Бакьичинал биялдарайсса, Граждан обществалул ва инсаннал ихтирдал советрал хъунама Зикрулла Илиясовлул бувсунни миллатирттал СМИ-лул вара ххуллий дуллалисса давурттал агьамшиврия.

– Жулла республикалул ляличиву му дурхха, ци журулул ишру хъанарчагу, ми ишру миллатиртталун бахьлахисса. Ва кланугу хисавравун лавсукун, миллатирттал СМИ-лул бияла хъунмассар. Жунна дакнийри 1999 шин, информациялул политикалул хъунмур кьулагъас дусса чун. Танийсса хъуниминнал хларачатрайну информациялул даву сантирайн руртессия. Хъакьинугу республикалийн вара махъ ца бувсса политикар аьркинсса, – увкуна ванал. Маслихатрайсса ихтилатру буна Бугьараминнал советрал хъунама Ибрагьим Ибрагьимовлул, захьматрал ва соцразвитиялул министрнал хъириччу Абдулкарин Абдуллаевлул, «Агентство стратегических инициатив по продвижению новых проектов» тисса идаралул вакил Зубайру Зубайруевлул, жяматийсса ишккаккултрал, алимтурал ва журналисттурал.

**Анриана АБДУЛЛАЕВА**

Ванал цалагу кьамул бунни цала кумагчиталну спецоперациялулу шавурду дирса кия ветеран. Ризван Кьурбановлул тугьимунийн буну, вай зунтиссар цивппа куммасса спецоперациялул ветерантуран ва гурттучитуран кумаг буллалисса давурттаха ва миннуцунма бавхисса цаймигу масъаларттаха, цанчирча вайнан кунма шинчав кьакьулссар ци кумаг аьркинссарив спецоперациялулу гуртту хъуминнан ва хъанахъиминнан.

## Думалул депутатнал лаизаву

**П**аччахьлугьрал Думалул депутат, Мюхчаншиврул ва корупциялийн кьарши бацлаврил комитетрал председателна хъириччу Ризван Кьурбанов лаивзунни цинявпагу цала коллегаяхъин, хасъсса аьралий операциялул ветерантал давурттай бацан бан кабакьу бара тий.

СВО-лул гурттучитал парламентарал давривун кунку бансса пикри ванан багьну бур Аьрасатнал Президентнал Федерал Мажлисрайнсса оьвчаву дурсса чумал. Спецоперациялулу жанну дуллусса аьралитурал

ва тикку мушакъат хъуминнал чларав бацлаврил масъала гьаз буллау, Президентнал баян бунни гьарица кулпатрацун, гьарица ветераннацун цана-цанасса соцработник, координатор ца кьакьувну икдан аьркиншиву.

– Тун дакний бур Дагъусттаннал вице-премьерсса чумалнава авгъан дяввилул ветерантурал масъалартту шаллу бан кумаг бувсса. Миннал кива барз хъуну бия шагьрулул майданни бувклай. На дахьа ивтун ияв кьуллугьрай. Увкун минначан, ихтилат бувессия. Цала масъалартту шаллу баврил хъакьиву миннал тийла увкуна ттучаншама вакил, цинявпа масъаларттугу закондалу ххуллий

шаллу бувна.

Цала Рисалалулу Президентнал кьичи лавгунни СВО-лул цинявпагу ветерантал ва миннал кулпатру аякьалийн лавсун бикдан аьркиншиву. Мунийн буну, цинявпагу даражалул депутаттуран, сенатортуран ва кьуллугьчитуран пикри бан аьркинни Президентнал увкумур цукун шаллу бан бурив, – тий ур Ризван Кьурбанов.

## Ватан дуруччултрал кьинилун хасну Сергей Меликовлул тутив дирхьунни араличунал гьайкалдануц

Февральданул 23-ний, Ватан дуруччултрал кьини, Дагъусттаннал БакIчи Сергей Меликовлул тутив дирхьунни МахIачкьалалив Ленинул Комсомолданул цанийсса паркраву-са Араличу-тархьан бувул гьайкалдануц.

Республикалул БакIчинал Ухсавнил Кавказулла округрал Росгвардиялул аралуннал хьунама, генерал-полковник Сергей Захаровлушал, республикалул идарарттал ва гужирдал структурарттал каялувчигурашал чачу Хурмат бунни 1941-1945 шиннар-дий Бутгал КIанттул цанийсса Хьун дьавилий ливтIусса аралитурал аьпалул.

Мукунна Республикалул БакIчинал тутив дирхьунни Совет Союзрал Вирттавал гьайкалIацI. Сергей Меликов ивунни Валентина Макаровал цанийсса Боевой Славалул музейравунгу. Мунил директор Жаннат Сагитовал бувсунни музейрал давурттая ва экспонатирттая.

Экспозициялий ккаккан бивхьуну бия уникальнейсса докумен-тру, суратру, чивчу чагьарду, ттугь-ру, наградартту, дьавилий ларххун диркIсса яна ва цаймигу затру.

Сагитовал тIимунийну, бакIрай-ва музейравусса экспозиция хас бувну бивкIун бия Бутгал КIанттул цанийсса Хьун дьавилий тал-лай бивкIсса дагъусттанлувтуран. Яла ялун ххи хьанай дия кIантту-



кIанттурдай хьанай бивкIсса дья-вирдал ва тгизаманнул иширттал материаллугу. Утти музейраву дур Арасатнал Вирттавал фотомате-риалу ва январду, 1999-ку шинал хьусса дьявилул иширттал чIумал ливтIуминнал суратиртталасса стендру.

Сергей Меликовлул тавакьор-райну, идаралий дурну дур дья-вилул операциялий ливтIуминнал аьпа абад буллалисса хасьсса стендгу.

**ХIадур бувсар  
ХI.АБДИЛОВЛУЛ**

## Ваная щалва билаят пахрулий буссар

Февраль зурул 25-ний Дагъусттаннал ХIукуматрал хьунама Абдулмуслим Абдулмуслимов ва Республикалул БакIчинал ва ХIукуматрал Администрациялул хьунама Алексей ХIасанов бивунни Арасатнал Виричу НурмаIаммад ХIажимаIаммадовлул гьан-маччацаринначIан.



**П. РАМАЗАНОВА**

Ва кьини, дурусну шинал хьхьичI, Украиннаву чувшиврий жан кьурван дурсса жагьилсса хIаписар-десантник дакIнийн утан ванал буттал кьатрайн бавтIун бия мачча-гьанцири. Премьер-министрнал Виричунал ппу Энгельс ХIажимаIаммадовлухь бувсунни республикалул хьуними мундану хIадурну бушиву НурмаIаммадлул кулпатрал чIарав бацIан. «Да-гъусттаннал хьунама Сергей Меликовлул цаниятугу, хасну тту-ла цаниятугу барчалагь тIий ура арс тIайлану тарбия уваврихлу. НурмаIаммадлул гьунар мундан-

гу жулва дакIурдиву ва аьпалулу личIантIиссар. Хьуннаса патриот, вихшаласса дус НурмаIаммадлул, аралий дустал ххассал буван-шиврул, цалла жан харж дунни. ХIакьсса чувшиву ккаккан дунни. Ванаяту жугу, щалва билаятту пахрулий буссар», – увкунни Абдул-муслим Абдулмуслимовлул.

ДаКIнийн бутанну, Арасат-нал Президент Владимир Пу-тиннулу цимилугу кIицI лавши-ву цала ихтилатирттаву Виричу НурмаIаммадлул ца. Виричу-нал аьпа абад буван ванал ца дир-зсар ва дуклай ивкIсса школалун, МахIачкьалаливсса, Нальчикрай-сса ва Краснодардайсса кучардан, Донецкалийсса площадьран.

**Андреана АБДУЛЛАЕВА**

Театрданул хьунмур залдану-ву Республикалул БакIчинал бар-ча дунни цинявппа микку гьуртту хьанакьиминнахь Ватан дуруччул-трал кьини.

КIицI лавгунни Арасатнал би-ляятран цимилугу захIматсса кьини-руду лахьлан багьшиву, гьар му-дангу чIяву миллатирттая хьусса Дагъусттаннал халкь кьини дур-кний чачIун шайшиву.

Региондалул БакIчинал даКI-нийн бутунни гьашину Ккавказнахлусса талатавирву ххушаву ларсун 80 шин бартлаглагиши-ву. Ккавказуллахлусса талатав-рийн хьар хьушиву гихунмайсса дьявилул чIявусса ишру.

ХIакьинусса тагьардания гьал-гьа тIий, Республикалул БакIчинал кIицI лавгунни, хIакьину Арасат-найн кьарши бавцIуну бушиву ша-лагу Европа, дачIи дуниял.

–Укунсса захIматсса кьини дур-ксса чIумалли халкьуннал яла ххуй-ми хасиятру: кьанкьашиву, яхI, ва-тандалийн тIайлашиву, иш багь-ний кумаг бан хIадуршиву ялун ли-чайсса. Хасьсса аралий операция-луву миллатрал мурадру буручлай, Дагъусттаннал жагьилтурал лайкь-ну бартигьлай бур цала бурж. Му-тастикь буллай бур билаятрал ка-ялувчигурашал бившусса лавайсса кьиматралгу, вайннал лайкь дурс-са аралий наградартталу. Ххюя дагъусттанчув лайкь хьунни Ар-асатнал Виричунал цини. Цуксса хIайпнугу, чIявуми жан дулуну. Жула буржри Ватандалул циний жанну дуллуминнал аьпа ябан, ми-нал оьрчIан, гьан-маччаминнал ку-маг бан, – увкунни Сергей Мели-ковлул. Ванал баян бунни жанну дуллуминнал аьпалул минутрайсса пахь багьаву.

Сергей Меликовлул барчалагь увкунни хасьсса аралий операция-нанисса кIанттайн гуманитар ку-маг тIайла буклакисса жьматий-са организациярахь, ихIсандалул фондирттахь ва волонтерурахь. Ванал лавайсса кьимат бившунни хьхьичI ххуттай бавцIуну пишалул буржру бартигьлагьисса медици-налул, СМИ-лул зузалтрал, учи-тельтурал ва цаймигу пишардал вакилтурал захIматран. Мукунна даКIнийхтунусса барчалагь увкун-ни жанну дуллусса аралитурал ниттихьахь, захIматсса кьинирдугу

**ПатIимат РАМАЗАНОВА**

Концерт дайдирухьна Аь-расатнал Президент Вла-димир Путиннул барча баврия. Залдану бия, обороналул ми-нистр, армиялул генерал Сергей Шойгулу тIайла хьуну, чIявусса аралитал ва вайннал кулпатру. Балайрду увкуна Николай Рас-торгуевлул, Григорий Лепслул, Александр Маршаллул, Олег Газ-мановлул ва цаймигу машгьурсса балайчитурал.

Мажлисрал байбихьулий сахIналий Арасатнал Вири-чу, лейтенант НурмаIаммад ХIажимаIаммадовлул сурату ккак-кан дурну, ванацIун бавцIуну В. Путиннул куну бивкIсса махьру-гу тикрал бувну. Залдану Ви-ричунал ппу, полковник Энгельс ХIажимаIаммадову ия. Му усса баян байхту, гурса хьатругу риш-лай, лавай бивзуна залданувири. Энгельслул увкуна: «НурмаIаммад оьрмулия ххарисса, спортраву ит-хьявхсса, цалла даву ххирасса, на-змурдугума чичаврил гьунар бу-сса жагьил уссия. Ттун чIявуну арсенал, «на шилчIав хьхьичI ник кьаришунтIиссар» тIисса, махь-

## Ватан дуруччултран хас дурсса концерт

Дагъусттаннал БакIчи Сергей Меликов гьуртту хьунни Ватан дуруч-чултрал кьинилун хас дурсса шадлугьрал мероприятиялий. Кон-церт хьунни М. Горькийл цанийсса Оьруснал театрлану. Шивун на-ними хьунабакьлай рурцуну бия Росгвардиялул МахIачкьалалал сое-динениялул капитан Ильяс Бактемировлул каялувшиннаралусса аьра-лий оркестр. Мероприятие дайдишинни Сергей Меликовлул ва респу-бликалул ведомстварттал каялувчигурашал ххал дунни аралий опера-циялул хас дурсса суратирттал выставка.



дурхIуну, хасьсса аралий опера-циялулу гьуртту хьанакьиминнал кул-патиртган кумагру буллалисса.

Мероприятиялул лагрулий хасьсса аралий операциялулу гьуртту хьанакьиминнал дуллунни паччахIлугьралнаградартту. Орден-ну ва медалу дуллай бия Респуб-ликалул БакIчи, генерал-полковник Сергей Меликов, Ухсавнил Ккавказулла округрал нагвардиялул командующий Сергей Захаров ва Каспийскалал флотилиялул ко-мандующий, контр-адмирал Алек-сандр Пешков.

ДР-лул III-мур даражалул Хурматрал орденну дуллунни хась-сса операциялулу жанну дуллусса аралитурал ниттихьан. Вара орден Сергей Меликовлул дуллунни Да-гъусттаннал муфтий, шайх АхIмад-хIажи Абдуллаевлулгу.

ПаччахIлугьрал наградартту мукунна дуллунни шагьурдал ва районнал бакIчитуран, медицина-лул зузалтран, добровольцынан, меценатьтуран, СМИ-лул зузал-тран ва цаймигу лайкьсса дагъус-танлувтуран.

Шикку ихтилат бунни Ар-асатнал Виричу НурмаIаммад

ХIажимаIаммадовлул ниттил Са-пижат Мазаевал. Ванил барчалагь увкунни республикалул каялувчигу-рахь, аралитурал кулпатирттахь дул-лалисса кьулагьасрахлу.

– «Гьарица бивтсса ккулла ниттил кьюкIливух буккайссар», – увкуну бур Фазу Аьлиевал. ЧIярусса ниттихьал кьюкIливух бувккунни ккулла. Цукунни бут-лан гихунмайсса оьрму? Вил цал-чинсса оьрчI, вил кумагчи, чул би-шай кIану, вил оьрмулул мяьна-мурад дунияллия лавгун махь. Ца-на бакьара укун ливчIсса. Цукун-лякьинтIиссар гихунмай оьрму бутлансса гуж? Мунияту духьун-ссар му нину, гьарица иширан ча-ран лякьайсса. Укунсса нинухьру дуну тIийри Дагъусттаннал ара-мтал кьанкьасса, сивсусса, – увкун-ни Сапижат Мазаевал.

Концертнай ихтилатру бун-ни Дагъусттаннал Ветерантурал советрал председатель МахIарам Аьлиджановлул, СВО-лул гьурт-тучи, хьхьирил бахьтагьалтрал полкрал командирнан КIанайсса Идрис Кьурбановлул. Концерт кьуртал хьуну махь ккаккан дунни «Циру жува дуруччалисса» тIисса фильм.

## КьурчIишиврул ва пахрулул бувцIусса лахIза

Москавлив, Арасатнал Армиялул театрлану, хьунни Ватан дуруччултрал кьинилун хас дурсса концерт «Чумул жува язи бувгьуну!» («Время выбрало нас!») тIисса цинилу. Ва концертрай, аьдатравун багьсса кушцуй, гьуртту шайссар билаятрал хьхьичIунсса аралий-музыкалул коллективу, эстрадалул чаннацIуртти. Му ккак-кан дуллай дия ОРТ ва «Звезда» телеканаллай.



**Энгельс ХIажимаIаммадов**

ру даКIнийн багьай, мукун хьугу-хьунни, Арасатнал хIаписарнал, хIакьсса десантникнал даву дун-ни». Дагъусттаннал агьлу ва кьини, кувначIан кув оьвтIий, бус-лай, чичлай бия ва лахIза цал архIал даКIру кьурчIишиврул ва пахрулул дуцIин дуллалисса бия тIий. Бу-ниялтунгу, бюрни куна оьвхьус-са, гьармуниву итхьявхсса, багь-бизу паргалсса НурмаIаммад ХIажимаIаммадов Чувшиврул бу-салану личIан льявхьусса хханссар дунияллий. Ванал гьунарданул даКI хьюлчай учин кьадурсса инсан ушиву кьакIулли билаятрай.

Ватан дуруччултрал кьинилун хасну

## «Ттула арснал буккин кьисмат кьавхьусса махъру на хас буллай бура зун»

Шалагу дунялун Дагъусттанная, лакрая баян бувсса асланса зунталчу, цила икИайкунсса аьралуннал хIаписар, миллатрал пахрунугу, кьовунугу хьусса жула Виричу НурмаIаммад ХIажимаIаммадов дуняллия лавгун шин хьунни.

Анриана АБДУЛЛАЕВА

Ванал суратирттайн я шувкун, ванаясса роликру ххал дуркун, ялу-ялун кьаши хьанай, кьурчи бизлай бур. Заннал гьарица чулуха дуллусса, бакI-чурх бювхьусса, аькьлу-кIулли ххисса, ас-намусрал увччусса, зунтул ца хьарагала хьусса кунасса жагьил.

«Кавказуллал жинсру» тIугиминангу баянну бюхттулуну билаятрал Президентнал «На дагъусттанчура, на лаккучура» учин увсса жула НурмаIаммад ХIайп, цимилагу хIайп...

«Генетика» тIисса махъ чIявуну баяи медициналул зуалтрая. Бутталгу, нитилгу чулуха ххаллилсса агьлу-авладрая ивзсса арс цамур кушуйсса икIангу кьабюхьайва. Украиннал аьршарай билаятрал мурадру буручлай, цалчин Аьрасатнал Виричунал цIа ларсьсса жула НурмаIаммадри хьусса. Цала кьучагьшиврийну ванал бюхттул бунни Кавказ миллатрал агьлу, майшан кунни Дагъусттаннал чиваркIуннал кьучагьшиву, яхI бушиву.

Гьай-гьай, гьарица ниттин кунма, Сапиджатлунгу цIурттаргу, цIардаяргу цила арс чIарав чIансса. Ци бансар, аьраличунал пишалул бурж бур Ватан дуруччаву, дяввилул цIараву хьхьичI ххуттай авцIуну,



НурмаIаммад нину Сапиджатлу

иш багьарча, жан дулаву.

ЗахIаматсса шаву дирсса чIумалгу, ккулларду бухлаганнин кьанкьану талайгу ивкIун, махърамахьсса граната пIякь учин дурну, цувагу, цува вив ласун кьаст лархIусса нацистIаталгу литIун бунну, кьучагьшиврий жан дуллунни жула НурмаIаммадлул.

Оьруснал театрдану Ватан дуруччулт лахъа-хьун буллалисса мажлисрай НурмаIаммадлул ниттил Сапиджатлул бувсса ихтилатрал цинявпа хьовсул буккан бунни. Ванил дуркунни шинал хьхьичI, февральданул 23-ний, арс барча уллай, цила таначIан гьан дурну диркIсса, амма танан дуккин кьисмат кьархьусса, барча аву.

«На барча тIий бура зухь, Ватан дуруччачиминнахь, цинявпагу жула чул бишай кIанттуну хьанакьхьисса чиваркIуннахь Ватан дуруччултрал кьини.

Арс, чIа тIий бура вин кьанкьашиву, чувшиву, аькьилши-

ву. Хьуннав тIий бура вияту вила кулпатралгу, вила пикрирдал ва хияллагу цIаний ацIан шайсса, вила мукьул заллушиву дан шайсса инсан.

Щуллушиву дулуннав, оьрмулул ххуллий каши ххи даннав. Вида гьан-маччаналгу, дустурал ва даврил уртакьтуралгу пахрулунсса лайкьшивуртту ва ххувшавуртту чIяру даннав вил оьрмулуву».

– Вай ттула арсначIан чивчуну бивкIсса, амма танан буккин кьисмат кьавхьусса, махъру, на хIакьину хас буллай бура зун, цинявпагу Ватан дуруччултран, – увкунни НурмаIаммадлул ниттил.

**ХIурмат бусса Сапиджат!**

**Вил азисьсса арс шалагу билаятрал арсри. НурмаIаммад жула аьмсса пахругур, аьмсса кьювугур. Ванал цIа чувшиврул эьратну личIантIиссар жула тарихраву. Аьадлий личIантIиссар ва жула дакIурдиву.**

## Аьпа уттавадсар

Ватан дуруччултрал кьинилул хьунни МахIачкьала шагьрулул 34-мур школалий хьунни патриот зумунусса мероприятие «Уттавадса аьпа» тIисса. Ва хас дурну дия хасьсса аьралий операциялий гьуртту хьанакьхьисса аьралитурал ва школалул выпускниктурал. Цуксса хIайпнугу, вайннавадса кIия – Асхад ХIажиевлул (1-мур ЩувкIуллал шьраватусса) ва Шамил МахIаммадовлул (яру оьрчI) чувшиврий жанну дуллуну дур. Вай лайкь хьуну бур Чувшиврул орденнан. ХIакьину тийх аьралий бурж биттур буллай ур 34-мур школа кьуртал бувсса 7 жагьил.



Галина Кьараева



Асхад ХIажиевлул нину Саният ва ниттирсс



Зулайхат ТАХАКЬАЕВА

Мероприятие дайдишин хьхьичI хьамаллурал ккаккан бувна Аьралий савлугьрал музей. Ва школалий зий сайки 50-нича лирчусса шинну хьусса, шикку Музейгу, республикалий цалчинминнувах ТОКС-рал кьукьагу сакин дурсса Галина Кьараева балжину бувсуна, Хьун дяввилул ветерантура байбихьуну, хIакьину хасьсса аьралий операциялий гьуртту хьанакьхьиминнай бияннин музейрансса материал датIин токчитурал дурсса давурттая. Муния махъ хьамал кIул бувна Росгвардиялул классрашал, микку Арасатнал Вирттавран – МахIаммад НурбаIандовлул ва НурмаIаммад ХIажимаIаммадовлул, Асхад ХIажиевлун ва Шамил МахIаммадовлул цIа кусса Вирттаврал Партардах шьабивтун бия яла эьратрану дуклакисса оьрчIру.

Гихуннаймур мероприятие дия актовый залдану. Муний гьуртту хьунни ливтIусса аьралитурал ниттихьул: Саният ХIажиева, вава школалий 9-мур классраву дуклакисса арсначал МусаIал, ва Зарипат МахIаммадова

арсначал, МахIачкьала шагьрулул КIулливу дулаврил управлениялул каялувчинал буржру чIумуйну биттур буллалисса Зулайхат Абдулжалилова ва цаймигу. Школалул директор ХIажи МахIаммадовлул дакIиний бивчуну хасьсса аьралий операциялий чувшиврий жанну дуллуми, хIакьину Ватандалул мурадру буруччаврил ххуллий бурж биттур буллиминнангу чIа увкунна, ччясса мутталий ххувшавугу ларсун, цала кулпатиртгал ялун зана шаву.

Дуклаки оьрчIал ватандалун ва ватан дуруччачиминнан хас бувсса балайрду увкунни, бувкунни шеьрирду. Асхадлуя ва Шамиллуя бувсунни вайннашал архIал дуклай бивкIминнал. Ихтилатру буллимими барчаллаьрай бия вирттаврал ниттихьайн, лайкьсса арсру тарбия баврихлу.

Саниятлул ва Зарипатлул барчаллаьг увкунни школалул коллективрахь, арсаврал аьпа ябуллай бушиврухлу, ва хьамаллурахь, арсру дакIиний бичин бучIаврихлу.

Мероприятие кьуртал хьуну чувшиврий жанну дуллуминнал аьпалун ца минутрайсса пахь багьаврийну.

## Дагъусттаннал Вакилханалий



Ватан дуруччултрал байрандалул гьантрай аьдатравун багьсса кушуй, Аьрасатнал ПрезидентначIасса Дагъусттаннал Вакилханалий бавтIун бия Ватандалуха кьуллугь баврил ва мунил мюхчаншиву дуруччаврил пиша язи бувгьуми. Дагъусттаннал Вакилханалул хьунанал хьиривчу Табир Маликовлул барча бунни циняв Аьрасатнал ПрезидентначIасса Дагъусттаннал вакил Владислав Толстюклул цIания.

Анриана АБДУЛЛАЕВА

«ХIурмат бусса ватанлултал. 23-мур февральданул кьини – ляличIисса байранни. Гьарицагу чIумал инсантурал пахру бивкIсар Ватандалийн тIайласса, Ватан дуруччачисса арсру-

ваврая – кьучагьсса аьралитурал. ХIакьину жува барча буллай буру цинявпагу, ва ххуллу язи бувгьуну, цала кьуллугьрал бурж лайкьну бартбигьлами. ДаКIиний бутлай буру, цал агьаммур мурад билаятрал цашиву, паччахIлугьрал ва цала халкьуннал мюхчаншиву

дуруччаву хьанакьхьисса, кьанкьасса, сивсусса жула арсру», – увкунни ванал.

Шадлугьрал мероприятиялий ДР-лул лайкь хьусса артист Марио Али Сутевлул шаллу бунни «Кьуркьру», «Махъра-махьсса тала-таву» балайрду. Калимат Лукьмановал ва Лайла БахIандовал бувкунни В. Лебедев-Кумачлул, Константин Симоновлул ва Расул ХIамзатовлул чивчусса Ватандалухасса шеьрирду. «ЛиКана» ансамбльданул ккаккан дунни кьавтIавуртту.

## Цуссалакрал райондалия Бивунни аьралитурал кулпатиртгачан

Ватан дуруччултрал кьинилун хасну Цуссалакрал райондалул администрациялул вакилтал бивунни Украиннал аьршарай нанисса хасьсса операциялуву жанну дуллусса аьралитурал кулпатиртгачан, миннавух ца яга-гаьр бакьа акьа хьусса аьраличунал кулпатрачлангу.



Имара САИДОВА

Райондалул чулухасса делегациялуву аьралитурал кулпатиртгачан бивунни Цуссалакрал райондалул бакичинал бигарду биттур буллалисса Сулайман Рамазанов, ванал цалчинма хьиривчу Султан Хамзатов, хьиривчу Салих Каравалиев, райондалул мажлисрал председателнал бигарду биттур буллалисса Амин Омаров, ДР-лул Халкьуннал Мажлисрал депутат Артур Ибрагимовлул жяматийсса кумагчи Зайнулла Мирзоев ва шярвалал администратиярттал бакичитал, депутатгтал.

Цуссалакрал райондалул администрациялул чулуха дуки-хачиялийнусса кумагру бунни аьралитурал кулпатиртган. Му бакьассагу, арцуинусса кумаг бун-

ни ДР-лул Халкьуннал Мажлисрал депутат Артур Ибрагимовлул. Аьмну ва кьини аьралитурал рях-ва кулпатран бунни арцуинусса ва сурсатиртгайнусса кумагру.

Сулайман Рамазановлул хасьсса операциялуву жанну дуллусса аьралитурал кулпатиртгахь цухху-бусурду бунни цукунсса захьматшивуртгачал хьунабакьлай буссарив ва ци кумагру аьркинну буссарив.

Вайнналгу кичи лавгунни хулулрду бакьин баврил, гьайкаллу цу дуккан даврил, аьралий операциялуву жанну дуллусса аьралитурал мюршми уссурвавран аьрши итадакьаврил масьалартту ва барчаллагь увкунни цахра дуллалисса кьулагьсарахлу.

Шикку гьаз бусса цинявппа масьалартту дузайн буккан баврил ялув ацан цала бакрайн лавсунни Сулайман Рамазановлул.

## Кулпатру хьин битаву мурадрай

Февраль зурул 22-нийн Цуссалакрал райондалул Культуралул кьатраву хьунни Ватан дуруччултрал байрандалун хас дурсса ихьсандалул концерт. Шиккун овькуну бия Украиннаву нанисса хасьсса операциялийн мобилизовать бунминнал кулпатиртгайн. Жула аьралитурал чул бувьгуну бушиву исват буллалисса патриот зумунусса баннерду лархьун, чюлу буну бия зал.



Ватан дуруччултрал кьинилун хас бусса мажлис титглай, ихтилат бунни Цуссалакрал райондалул администрациялул бакичинал хьиривчу Рустам Сулаймановлул. Ва кьини сахналий ккаккан дунни райондалул ансамбльлал кьавтавуртту. Тамашачитуран асар хьунсса балайрду увкунни Цуссалакрал райондалул культуралул кьатрал зузалтрал ва Дагьусттаннал эстрада-лул чаннацурттал. Ляличинува асар хьунсса балай увкунни Дагьусттаннал халкьуннал артистка Хиабибат Буттаевал.

Мобилизовать бунминнал кулпатру чансса бунту ххари баву му-

радрай, булунни вайннан арцушассе конвертру, тугал кашру ва шьибитунни байрандалун хас буну тивтлусса ссупралух.

Байрандалул сакиншинначитурал аьралитурал кулпатиртган чла увкунни цулулушиву, талихитирхханну, дунялий паракьатшиву ва оьрмулуву хьунадаркьусса захьматшивуртту хьамаритансса ххаришивуртту ялун дияву.

Шиккува кичи лаган, вай кулпатиртган дулунни ихьсандалул концертрай бавхьусса билетиртах хьусса 150 азарда кьуруш ва миннуцунна – райондалул администрациялул резерв фондрава итадаркьусса арцу.

Ватан дуруччултрал кьинилун хасну Ккуркуллал школалий хьунни уттигьанну аьралий кьуллугь барбивгьуну зана хьусса, хасьсса аьралий операциялуву гьуртту хьусса шярвучу, Салманнул арс Динмахаммад Махаммадовлушассе хьунабакьаву. Аьраличу лахьахьунну хьунаакьин ххуйну хладур хьуну бия дуклаки оьрчлр ва учительтал. Класс чюлу буну бия Буттал Клантул цанийсса Хьунмасса дяьвилул Виртгаврал суратиртгал. Дурну дия Виричу ца лайкь дурсса шагьрурдал стэнд. Тиртгуну дия дяьвилиясса луттирдал выставка.

Лакрал райондалия

## ДакИний личансса хьунабакьаву



Андрiana АБДУЛЛАЕВА

Лархьун дия хасьсса аьралий операциялуву кьучагьшиврий

жанну дуллусса лакрал виртгаврал сияхИ. Мукумна классрал чиртгайн лавхьун бия Ватандалухасса, патриотизмалу-

хасса махьру.

Ккуркуллал школалий оьрчлр Ватан ххирану тарбия баврих мундангу ххишаласса кьулагьас дуссар.

Мероприятие титглай, ихтилат бунни ванил сакиншинначи, оьрус мазрал ва литературалул учитель Гульнара Магьдиевал. Ванил бувсунни Динмахаммадлуя, барчаллагь увкунни ванал нитти-буттахь. Бувсунни ва тарбия авриву хьунмасса захьмат бивхьусса бава-ттаттая. Динмахаммад цала ппу Салман куна сивсусса, кьанкьа-сса, спортрал чулуха итхьавхьсса жагьил ур. Аьралий буржгу ванал лажин киялану барбивгьуну бур.

Лайкь хьуну ур Обороналул Министерствалул чулухасса Барчаллагьрал чагьарданун.

Оьрчал суаллахьхьун жавабру дуллай, Динмахаммадлул кичи лавгунни аьралий кьуллугь гьарицагу жагьилнал лахьан аьркинсса бурж бушиву, бувсунни Дагьусттаннал жагьилтурал чувшиврия, яхИрая. Бунни жагьилтурахь мюнпатсса насихлатру.

Дуклаки оьрчал бувкунни шеьрирду, увкунни балайрду.

Ккуллал райондалия

## Тайлабацлр буну зузисса хозяйство

Сунбатлул аьршарай хьхьичлра дуссия Наримановлул цанийсса колхоз. Му лирну мукьах сакин буну буссар Гьазиз Омаровлул цанийсса СПК. 2005-ку шинал жяматрал хлукму буну, «Ккунциалу» тисса ттизай оьлал ферма дуллуссар арендалий жула шярвучу Адамов Насруллагь Аьвдурахьманнул арнахьхьун.



Учин бюханссар, ферма кукун сантрай ччиманаша дачин дан кьахьунссия куну. Давугу ялу-ялун лябукку хьанай, ххуйчулиннай ххуйсса бушилий най

дур. Киккува кьатри, ппалу лекьан кьабивтун, муххал магьивгу дирхьуну, лайкьсса куццирайн дурцуну дур, хьалалазуни дийшайсса лавкьусса базагу буну.

Зузалтрайн личину гуж багьайсса давуртту дакьар, ризкьи канаки байсса шаллагу лухчинул лагмара ххал дурьгуну, сакин увну ур «электрохлукчу», ми мугьятну бур жанавартрая. Лухчал дазу дуссар 4 шярваллишал: Ваччи, Чийми, 2-мур Цувклул, Ккул. Ппалу буккан буллансса транспорт дур, оьлуу ттизлай бур установкалий. Циняв кьатрава, ризкьилул ппалава ратлр най дур канализация. Бур нагь-нис дайсса цех. Фермалул территориялий дур ххуйсса марцшиву, зузиминнал дур аьркинсса шартлр. Хозьствалий зий дур интерне-трал свьазь.

Тайланма учин, шярваллил хозяйство нани дан жапсса жулва зунтгал клантгай, укун саргьунну зузи даву хьунмасса тайлабацлрлул ккалий бан бучлр. Вания эбрат ларсун зий лякьиннав жула зунтгал аьршарай цайми-цаймигу!

Махьмуд АБЛИЛОВ  
ш. Сунбатлул

Ккуллал райондалия

## Бурж виртталну биттур бувминнал аьпалун

Февральданул 21-ний Ккуллал райондалул МКУ КДЦ-лун залдану, Ватан дуроччултрал кьинилун хас дурну ва Аьрасатнал Виричу Нурмахаммад Хажимахаммадов аьпалул хьуну шин шаврин ца куну, хьунни аьралий ва патриот ххуллийсса «Аьрасатнал Вирттаврая пахрулий» тисса цанилусса батлаву.



Аьпалул улттуцл тлугал шалка бихьлай

Ва дайдирихьна Аьрасатнал Виричу Нурмахаммад Хажимахаммадовул цанийсса ДЮСШ-лун чирайн лархьсса аьпалул улттуцл тлугал шалка ва Вирттаврая аллеялийсса суратирттацл тлугив дишаврийну.

Аьпалул улттуцл тлугал шалка бивхьунни Ккуллал райондалул администрациялун бакIчи Шамил Рамазановул ва Ккуллал ва Лакрал районнал Военкоматрал хьунаманал буржру биттур буллалисса Шималин Вагьабовул.

Батлаварий гурттушиву дунни райондалул администрациялун коллективрал, Шулла-сагшыву дуроччай управлениялун, шярваллил, ххуллурдал хозьяствардал управлениярттал зузалтрал, хьамаллурал, райондалул жьматрал, дуклаки оьрчIал ва цайминнал.

Хьирив байбихьна культуралун ва патриот программалул агьаммур бутIа. Ваний, аьдатрайн буну, хььичIмахь лавхьна Шамил Рамазановул:

– Жува бавтIун буру хIакьину аьралий ххуллий цала бурж биттур бувсагу, буллалиссагу вирттал дакIнийн бичин. Райондалиясса цума-цагу виричунал ца халкьуннал дакIурдиву абадлий личIантиссар. Миннал царду дирзсар кучардан, идарттан, школарттан ва мукунма цаймигу кIанттундан. Вирттаврая чув-

Шамхал Хизриевул ва мукунма цайминнал.

Даькьаврил цаний неонацисттурашал талай ливтIусса вирттаврая аьпагу куну, баян бунна ца минутIрайсса пахь багьаву.

Администрациялун бакIчинал мобилизоват хьуминнал кулпатиртан кумагран бавчуна арцуинусса конвертругу.

Хьирив дайдирихьна райондалул Культуралун управлениялун зузалтрал ХIадур дурсса концерт. Литературалун ва музыкалул композициялул тамашачитурал хььичIун бивкунна Ваччийл оьрчIал багьрал ва райондалул школарттал дуклаки оьрчIру. Къянал школалул дуклаки душ Маммаева Баниятлул балжини бувсуна Нурмахаммад Хажимахаммадовул оьрмулия ва аьралий ххуллия. Назмурду дурккунна Ххаджат Аминовал, Сиянат АхIмадовал, Басират Хусайновал, ХIабибуллагу Кьурбановул, Мустапа Маликовул, Жаваги Сулаймановал, Лариса Чупановал, Эльмира Чупановал. Къизлардал гимназиялул 11-мур класрал дуклаки оьрчI ХIажимурад Гулбахановул ляхьан дурсса



МинутIрайсса пахь багьаву

«Нурмахаммадлуха» тисса назму дурккунна Басир Аьшаевул.

Вирттаврая хас бувсса, вичИдирихьминнал иттав макь дучIан дуллалисса мукьурттий балайрду шаллу бунна Райханат ХIажиевал, Залиххал, Халисат Гудовал, Шавлухь Салиховал, Гулжагьра Рамазановал, Асият Махаммадовал.

БавтIириннал яла ххал дуруна Нурмахаммадлул оьрмулиясса видеоролик. Шиккува ккаккялун бивхьуну бия вирттаврая дурсса кьучагьшивурттая бусласисса луттирду ва альбомругу.

ХIадур бувсар  
Аминат АХIМАДОВАЛ

Спорт

## «Жунна бахшишну хьусса ххувшаврил кIюрх»

Циньявпагу лакрал, дагьусттанлултурал дакIру цал ттигу ххаришивул ва пахрулул дуцIин дунни жула Ислам МахIачевул Австралиянал ию Александр Волконовскишласса ххувшаврил. Жува циньявпа бардулт хьуру бьаст-ччал бигьсса кьабивкIшивул. Васщаклий, я ляпI учин бан ниьга буслай, ялугьлай бивкIру ва бияврих. Мукьурттий бусан кьахьунсар та кIюрххилсса асарду.



Адриана АБДУЛЛАЕВА

Исламлушал данди увксса Александр Волконовскигу уттин цалагу ух кьавхьусса, цаьксса ию ия. Укунсса даражалул спорстеннаяргу ххув хьуну, Исламлул ккаккан бунни шалагу дуньялун цува яла цаькма ию ушиву.

Дагьусттаннал ХIукуматрал кьатлуву Ислам ХIурматрай кьамул унни Сергей Меликовул.

– Кьуллугьчи ХIисаврай акьасса, вий дакI ций бивкIминнавасса ца ХIисаврай, барчаллагь тий ура ина жунна та ххувшаврил кIюрх бахшиш дурну тий. Жу цаьк тий баькьассияв вил ххувшаврийн. ДакIнийхтуну барча тий ура вихьгу, вил командалухьгу, вий дакI ций бивкIсса миллион инсантурахьгу, – увкунни Дагьусттаннал БакIчинал.

Исламлул Меликовул дулдунни Дагьусттаннал Спортрал бюхттулсса награда - «Сали Сулайман» тисса медаль ва ца кусса сьят.

Мура медаль дулдунни Исламлул тренер Муслим Амраслановулунгу. Исламлулгу бахшиш дунни Республикалул БакIчинан Волконовскишл ччали уклакIийни ларххун ивкIсса янна.

– Ва Ислам МахIачевулугу, аьмну Дагьусттаннал спортрал-

гу бюхттулсса ххувшавур. Сисаврил, къанкьашивул, цивпа циньявпаяр цаьксса бушиву мяйжан бан кIулишивул чулуха дагьусттанлултурачIан бивсса бакьассар. Мукунсса бунугу, пахруххаралул вибувцIуну, жу бакьа цару тий бакIру газ дурну занайгу бакьассар, – увкунни С. Меликовул, бюхттулсса ххувшавуртту ласун кумаг буллалисса хасиятру кIиш лаглай.

Исламлул барчаллагь увкунни Дагьусттаннал БакIчинахь ва республикалул циньявпагу агьалинахь, цайва дакI ций, цала ххувшаврих ссаур даьга ялугьлай бивкIун тий. Ванал бувсунни Александр Волконовскишл ияву цала карьералуву ца яла захIматмур хьушиву. Спортрал ххуллий цалчинсса шаттирду ласласиминнахь насихIат буллай, Исламлул увкунни: «Укунмасса кулпатравасса инсаннашагу хьунтиссар, ччан бикIарча, кьаст лархIуну гьарца кьини цала тIимунийн най, цала хиял дузрайн буккан бан».

Исламлул ххувшаврил спортрахун багьсса ва багьан ччисса чIявусса жагьилтураун гьавас бутаншиврийн, миннал спортрал ххуллийсса хIарачат ххишлаласса хьуншиврийнгу цаьк бакьар.

Бадрижамал АБЛИЕВА

КIундиннал шяравасса Ибрагимова Мариям Замирдул душнин дур дурагу 6 шин. ЧивитIу ялапар хьанай бур Хасавюрт шагьрулий, занай бур шагьрулул «Звездочка» тисса 4-мур оьрчIал садикрайн. Ниттил мазурдил кьини ва садикрай хьусса шадлугьрай Мариямлул марцIсса бивчIинсса лакку мазрай дурккунни шярваллил гимнран ХIисавсса «КIундими» тисса назму (КIундиннал культуралул кьатлул директор Даниял ХIажиевлун чирчусса) ва бивгьунни 1-сса кIану.

Мариямлул ва ванил кIивагу ссин ххуйну кIулли лакку маз. Вайннан лакку маз лахьхьаврилсса буллай бур буттал нину

## Ниттил мазурдил кьинилий

Февральданул 21-ний кIицI лагайсса Ниттил мазурдил кьини лайкьсса даражаллий хьунадаркьунни Хасавюрт шагьрулул оьрчIал 4-мур садикрайгу. Шикку хььичIунсса гурттушинна дурунни лакку душ Мариям Ибрагимовал.

Камилат.

– Кьушлий ихтилат оьрус мазрай баврий кьадагьа дирхьуну дуссар. ПIайлассар, шагьрулул кIанай бигьану бакьар оьрчIан лакку маз лахьхьин булан, ва мурадрал ххуллий гьарца кьини захIмат буллан багьлай бур. Маз буруччиншивул хьунмасса хIарачат ва ссаур дикIан багьлай бур, вай даьга ва даву дуван цукунчIав кьабюхьантиссар, циван учирча, жува ялапар хьанай буну

тIий 30-нний ливчусса миллатру бусса республикалий. Цана (ччянива) циньяв лак ялапар хьанхьисса лакрал шярваллаву-гума оьрус мазрай гьалгьа тий бур. Маз буруччаву хьанай бур лакрал миллатрал хIакьинусса ца яла хьунмур ва агьаммур буррукин, – тий бур Камилат.

Шагьрулий бувсса, хьунма хьанхьисса чивитIун захIмат хьун кунмасса махьру бусса назму душница лахьхьин кьахьунсса ххай бивкIун бур Ками-

лат. Мариямлул ва лархьхьуну дур нюжмардул даян.

Ларгсса шинал Хасав шагьрулул «Спартак» цанилусса Культуралул кьатлуву хьуну диркIссар миллатрал мазурдийсса назмурду дуккавил конкурс, шиккугу 5 шинавусса Мариям ххув хьуссар, ларьссар бахшиш. Мариям мукунма гуртту хьуссар Инстаграмраву най диркIсса лакку мазрай назмурду дуккавил конкурсрайгу. Мариямлул лакку мазрай чIярусса назмурду кIулну дур.

ЧIяву баннав лакараву Мариямлул ва ванил буттал ниттин Камилатлул кунма лакку маз ххирасса, кIулсса лак.



Мариям Ибрагимова



ИТНИ, 6 МАРТ
05.00 «Доброе утро».
09.00 Новости.
09.20 «АнтиФейк». (16+).

22.45 «Большая игра». (16+).
23.45 «Век СССР. Запад». (16+).

21.45 «Тест на беременность». (16+).
22.45 «Большая игра». (16+).

ХАМИС, 9 МАРТ
05.00 «Доброе утро».
09.00 Новости.
09.20 «АнтиФейк». (16+).

НЮЖМАР, 10 МАРТ
05.00 «Доброе утро».
09.00 Новости.
09.20 «АнтиФейк». (16+).

ХХУЛЛУН, 11 МАРТ
06.00 «Доброе утро». Суббота.
09.00 «Умницы и умники». (12+).

06.10 «Подкаст.Лаб». (16+).
06.55 «Играй, гармонь любимая!» (12+).

РОССИЯ 1

ИТНИ, 6 МАРТ
05.00 «Утро России».
07.35-07.41 Вести-Дагестан
08.07-08.10 Вести-Дагестан

Борис Невзоров и Екатерина Кистень в телесериале «Личное дело». [12+]

ррина Кистень в телесериале «Личное дело». [12+]

из будущего». [12+]
00.55 Вероника Плашкивич, Валерия Бурдуца и Алла Юганова в фильме «Женщины». [12+]

ХАМИС, 9 МАРТ
05.00 «Утро России».
07.35-07.41 Вести-Дагестан
08.07-08.10 Вести-Дагестан

ХХУЛЛУН, 11 МАРТ
05.00 «Утро России. Суббота».
08.00 Вести-Дагестан
08.20 СУББОТА.

ХХУЛЛУН, 12 МАРТ
05.55 Ольга Фадеева, Алексей Осипов и Евгений Ганелин в фильме «Пряники из картошки». [16+]

ИТНИ, 6 МАРТ
07.00 Время новостей Дагестана. Итоги
08.00 «Королева спорта» 0+

04.40 «Угол зрения» 12+
05.05 «Выходные на колесах» 35 с. 6+

05.35 Х/ф «Шестнадцатая весна» 12+

08.55 Х/ф «Единственная» 0+
10.30 «Дагестан туристический» 0+

НЮЖМАР, 10 МАРТ
07.00 Время новостей Дагестана
07.20 Передача на аварском языке «Галадиги галадиги заманти» 12+

04.50 «Арт-клуб» 0+
05.10 «Выходные на колесах» 37 с. 6+

05.15 Золотая коллекция фильмов о родном крае. Д/ф «Лезгинка» 12+

ИТНИ, 6 МАРТ
04.55 Т/с «Москва. Три вокзала». (16+)

ТТАЛАТ, 7 МАРТ
04.55 Т/с «Москва. Три вокзала». (16+)

АРВАХИ, 8 МАРТ
05.20 «Тайнственная Россия». (16+)

06.30 «Утро. Самое лучшее». (16+).

НЮЖМАР, 10 МАРТ
04.55 Т/с «Москва. Три вокзала». (16+).

ХХУЛЛУН, 11 МАРТ
05.05 «Жди меня». (12+).

ХХУЛЛУН, 12 МАРТ
05.00 Т/с «Визу-знаю». (16+).

## «Илчилул» календарь

## Ва нюжмардий бувссар

\*\*\*

Март зурул 1-нний 1925 шинал увссар шаэр **Абдул Мирзаев**.

\*\*\*

Март зурул 3-нний 1987 шинал увссар ДР-лул жагьилтурал иширтгал министр **Камил Саидов**.

\*\*\*

Март зурул 4-нний 1944 шинал бувссар биологиялул элмурдал доктор, генетик, профессор **Казимат Булаева**.

\*\*\*

Март зурул 5-нний 1937 шинал увссар композитор, АФ-лул культуралул лайкь хусса зузала **Мазагиб Шарипов**.

## Юбилейран хасну



нама хАкин, медициналул элмурдал кандидат, **Абдулхаликьлул душ Къапанова Заирал** юбилей. Цила давриву хъхъичунсса ккаккяртту чАлалчи дурсса лавайсса даражалул каялувчи бушивруцун, ва бур мудангу инсантурал чАрав бацан хАдурсса хАкин, миллатгу, миллатрал культурагу ххирасса, уздансса багъу-бизулул хъамитайпа.

Ча тИй буру оьрмулия шалихханнин битансса цУлушиву, талихI, тирхханурду, ттинин кунма, ттиния тихунмайгу ина мукунма бусравнува, ххиранува личАннава, наслулул ххари булланнав тИй буру. Бартлаганнав вил циняв мурадду, Заирай!

«Дараччи» клубрал цанияту **Гульшан Хасаева**

ДакИнийхтуну барча дуллай буру Дагъусттаннал Диагностикалул центрданул хъу-

## Ларайсса награда

МахАчкъалалив Дусшиврул къатлуву хъунни Дагъусттаннал Жаматийсса палаталул юбилейран хас дурсса мероприятияе. Ва дайдирухуна 2006 шиная шийнмай, яъни хАсул бувния шийнмайсса, палаталул давриятусса документал журалул киносурат ккаккан дуаврия. Дагъусттаннал БакIчи Сергей Меликовлул цанияту бавтIцири барча бувна Халкъуннал Мажлисрал хъунама Заур Аскандаровлул. Ванал активистьтуран дулуна Дагъусттаннал хъунаманал цаниятусса ва Халкъуннал Мажлисрал чулухасса наградартту.



## П. РАМАЗАНОВА

Мероприятилий гуртту хъуна Москавлиясса бусравсса хъамалгу. Аьрасатнал Жаматийсса палаталул секретарьнал цалчинма хъиривчу Вячеслав Бочаровлул Аьрасатнал Жаматийсса палаталул Дагъусттаннал чулухасса вакил Айгун МахАмадовлул дулуна ларайсса награда – Орден «За заслуги перед Республикой Дагестан». Цала даврин ва

захАматран лавайсса кымат бишаврихлу барчаллагь тИй, Айгун МахАмадовлул бувсуна Жаматийсса палаталул дурцирив агьамсса давуртта, миннуя балжину бусласисса цала лугу бувкшиву юбилейран хасну.

ДакИнийхтуну хъуннасса наградагу барча дуллай, Айгун МахАмадовлул ча тИй буру дуван дакИнийцирив давуртту дузрайн дуккан дувансса цУлушиву ва тавпикь!

## Бусравминная

## Зу бумур ЗанначIагу бучИ лякъинтIиссар

«ДакИнийхтунусса барчаллагь тИй буру ххаллилсса, чумартесса лакку душваврахь – Ккуллал райондалул ЗАГС-рал хъунмур Илиясова Сабринахь ва Лакрал райондалул УСЗН-лул хъунаманан кIанайсса Къюнуева Гьидаятлухь, кумаграх мюхтажесса къашавайсса инсантурал мудан кумаг буллай, чIарав бацIлай буну тИй. Зу кунма дакIру илкисса, ка тIиртIусса инсантуралли дуниял ххуй дайсса. Зул дакIнил щихь къаучиннав, каши ххи даннав».



Сабрина Илиясова

## Анриана АБДУЛЛАЕВА

Укунсса чагъар бувкIунни жул кказитрал редакциялийн Дунияллул халкъуннал дяннисса Исламрал бизнесрал ассоциациялул президент Марат Кабаевлуя ва ванал маслихатчи Разита Мусаева.

Мюхтажнан кумаг баву чириссар, АллагначIа бучИ лякъайссар учай. Хъиннува хъунма-сса чире бухъунсса къашавайминнан бувсса кумагра.

«Цуксса хIайпнугу, чансса бакъар хIакьину онкологиялул къашавайсса, чил кумаграх ялугълагьисса оьрчIругу, хъунмигу, буруккитрал бувгъусса нину-ппугу. Та, ци аьркину буккарчагу вайннайн, шаллу бай мурад», – тИй бур цуппагу



Гьидаят Къюнуева

укунсса къашайшалтрал цУлу-сагъшиврул ялув чялишну сукку тIисса Разита.

Сабрина бур Ккуллал райондалул жаматран нукIува бусрав хъусса инсан. Ванил ппу ХIажияв МахАмадов райондалийгу, республикалийгу хIурматрайсса адамина ивкIиссар. Цала тIайлашиврийну, чумартшиврийну ххира хъуну ивкIиссар жаматран. ХIакьинусса кьинигу ХIажияв дакИнийминнал бусраврай зумух ласай ванал шIа. 1992-ку шинал Ккуллал школагу къуртал бувну, Сабрина бувххун бур Финансирттал ва экономикалул

колледжравун, мунияр махь – Дагъусттаннал университетрал юридий факультетрайн. Дуклай бунува зий бивкIун бур Ккуллал райондалул Сбербанкрай оперотделданул хъунмурну. Ххира шин миккугу дурну, бувкIун бур райондалул казначействалийн. Шикку зий бивкIун бур 1997-ку шиная 2014-ку шинайн бияннин. Мунияр махь жаваблусса, бажар бусса Сабрина райондалул администрациялийн хъунаманал хъиривчуну бувцуну бур. Шикку зий бивкIун бур 2014-ку шиная 2018-ку шинайн бияннин. 2018-ку шинал ванийн тапшур бувну бур райондалул ЗАГС-рал от-делданул хъунмунил къуллугъ. Цанагу шикку зий бур.

– Ттул ппу сайки 30 шинай судрал председателъну ивкIиссар. Дагъусттаннал лайкь хъусса юристъя. Цувагу ятинну хъун хъусса, чIявусса ккакксса уну, гьарнан кумаг бан чялишсса икIайва. Цала каши ишла дурну, чIявусса инсантурал чIарав авцIуссар. Бюхъай, буттал хасият ирсирай ттуйнгу дирну дикIан. Бутта ттул оьрмулухун эьратну хъуссар, – тИй бур Сабрина.

Гьидаят Къюнуева Гъумучасса бур. Гъумучиял школа къуртал бувну махь бувххун бур Дагъусттаннал университетрал филологиялул факультетрайн. Вагу ЯтIул дипломай къуртал бувну, зий бивкIун бур Гъумучиял школалий лакку мазрал ва дагъусттаннал литературалул дарсеру дихълай. Махъсса мйра шинал лажиндарай ва зий бур Лакрал райондалул УСЗН-лий. Цанасса чIумал Управлениялул хъунаманан кIанай бур. Ва даву-гу ванил цила хасиятрацун даркъусса дур.

Гьидаят бур дакI хъинсса, аьчухсса, цаманал буруккин лаласун кIулсса инсан.

Ялун нанисса хъаннил байрангу барча дуллай, чIа тИй буру Сабрина ва Гьидаятлул цУлушиву. Зу кунма инсантал чан къабаннав жула дяннв.

## ОьвтIий буру Хъарас щаврил байрандалийн

Мартрал 18-нний ГьунчIукъатIрал шяраву хъунтIиссар Хъарас щаврил байран.



ОьвтIий буру цинявпагу гьунчIукъатIрайн, хъамаллурайн, жула буттал буттахъая шийннай нанисса аьдатрай, Хъунил хъатIул мажлисрай гуртту хъун, жулла миллатрал дукрардал тIинтIааьн ххал буван, Лакку билаятрал интнил тIабиаьтрай тамаша буван, зунтIавусса уртту-тIутIал нацIусса гьава буван.

Ххариссару жул Хъурдакварил байрандалийн увкIсса гьарцагу инсаннаату.

Къушиев НухIул кулпат

## Прививкарттая махъаллил махъанарду

Ацния мйазарунниха ливчусса оьрчIал полиомиелитрал азар кьадиянсса вакцина къабуну бур Дагъусттаннай.

## П. РАМАЗАНОВА

Лахъай азардал профилактикалул буллалисса Республикалул центрданул коллектив бур прививкартту дуллан махъаллил махъанарду, оьрчIру оьсса азардания буруччинсса чаранни тИй прививка. «ОьрчIайн вакцинартту къабусса нину-ппу цалва оьрчIру ниьгачIисса тагьарданухун бичлачимири. ХIакьинусса

кьини Дагъусттаннай 18 300 оьрчIал вакцинаду къабуну бур, гьамин нину-ппу къарязий хъуну. Вай хъун бумуния ниьг дакъасса, оьрчIал бучIантIимунил ялув баччибакъулушуву дуллалисса нину-ппури, полиомиелит къадиянсса прививкалия махъаллил шаврийну оьрчIан зарал хъун бюхъайшиву хIисавравун къаласласисса», – тИй бур кIицI лавгсса Центрданул хъунама

хIакьиннал хъиривмур Муьминат Жабраилова. Прививкартту дуварил хIасиллугу хIисаврайн ларсун, 2021-ку шинал полиомиелитрал прививкартту къадурсса 11 821 оьрчI ивкIун ур, прививкартту къадуллалими шиная шинайн ххисшала хъанай бур, тагъар ниьгачIисса дур. Мунияту пишкартал бур, прививкарттайн къарши къабуклай, оьрчIру азардания мурахас буваратIий.

Итникьини республикалий прививкартту дуллай байбивхъуссар.

Ватан дуруччултрал кьинилун хасну

## Ванал хІалал дурну дур Суворовлул медаль

**Ж**ула, Дагъусттаннал, виртталсса, чувшиву ххисса арсеру лайкьну ва эбратранну биттур буллай бур Ватан дуруччаврил ххуллийсса цалва буржру.

Карашрал шяраватусса КьурбанмахІаммадул арс Буттаев Фархад, майор, ур мукуминнал кьюкьлувасса ца. Ва увну ур 1980-ку шинал Каспийскаллал шагърулий. Ванал биографиялул хъунмур бутлагу, 2000-ку шинал байбивхъуну, бавхъусса бур аьралий кьуллугърацун. Фархад гуртту хъуну ивкІун ур Гуржи Кьибладул АьсатІиннайн ххавххун бивкІсса чІумалсса Аьрасатнал чулухасса аьралий операциялийгу. Муння махъ, 2011 шинал 2020 шинайн иянинн, кьуллугъ



Фархад Буттаев

буллай ивкІун ур тиккува Кьибладул АьсатІиннаву.

Донбассрайсса хасъсса аьралий операция байбивхъусса кьинилия шийнай гуртту хъуну ур тай яла кьизгьинми талатавурт-тавух. Тикку ккаккан дурсса кьучагъшиврухлу лайкьгу хъуну ур Суворовлул медальданун.

Ца базилух захІматсса шаву дирну, ванай бувну бур кІивашанма операция. Вай гьантрай, Москвалив хъин хъанайгу ивкІун, ва утти кІура авну ур цала частьравун Владикавказрайн.

Укунсса арс хъуна увсса нитти-буттахъ – Каспийскалий яхънахъисса КьурбанмахІаммадулхъ ва Хамисатлухъ хъунмасса барчаллагъгу тІий, чІа тІий буру цІуллуну-сагъну цацІана зана хъусса арснашласса ххаришадсса хъунабакъаву.

КІива гьантлул хъьичІ, мартрал канний, увсса Фархадлул канмагу чІа тІий буру тІайлабацІуртту, ялуннайсса ххари-хъиншивуртту!

## Вирттавран дюрхъусса аьрци

**В**атан дуруччултрал кьинилул хъунин «Россия – моя история» Тарихрал паркраву хъунин патриот зумунусса мероприятие «Героями богата дагестанская земля».

Му сакин дурну дия «Единая Россия» партиялул чулухасса Аьрасатнал ПаччахІлугърал Думалул депутат Султан ХІамзаевлул кумаграйну.



### Зулайхат ТАХАКЪАЕВА

Му хас дурну дия Буттал кІанттул цІанийсса Хъунмасса дяввилий гуртту хъуминнан ва Украиннал аьршарай хІакьину нанисса хасъсса аьралий операциялий гуртту хъанахъиминнан, вайннал эбратрайну хъирив нанисса никиран ватан ххирашиврухсса бургаву ва пикрирду цІакъ баву мурадрай.

Султан ХІамзаевлул кумагчи Наира ХІажимахІаммадовал кІицІ лавгунни Дагъусттаннал агъулдану чІа даингу бюхттулсса кІанттай бивкІшиву вирттаврал аьпа буруччаврил хІурмат.

Кьизгьинсса талатавуртгаясса ветерантурал дакІниинбичавуртту – вана Дагъусттаннал агъалинал чувшиврия бусласисса хІакьсса уттавацца тарих.

– Бусалардавун багъсса вирттал – Совет Союзрал КІийла Виричу, цал цІанил душманнал дакІурдивун цах бутлай бивкІсса летчик-ас АхІмад-Хан Султан, Рейхстаграй ттугъ бившусса Исмяил АбдулхІакимов, жула заманнул вирттал МахІаммад НурбахІанов, НурмахІаммад ХІажимахІаммадов, Энвер Набиев – вайннал цІардал тастикъ буллалиссар Дагъусттан хІакьсса вирттаврал ватанну бивкІшиву ва личІантІишиву. «Гьантта-



чІумул дагъанттуву личІантІиссар вайннал аьпа, жула билаят хъьичІунмай баврил ххуллийсса гужру жувува цацІун буллай», – увкуну бия Султан ХІамзаевлул мероприятиялий гуртту хъанахъиминнайсса цала овччавриву.

Залданувун бавтІун бия личІи-личІисса шиннардий дяввилул иширттаву гуртту хъуми, 1999-ку шинал Дагъусттан чапхунчитурацІа марцІ буккан буллай бивкІми, хІакьину Украиннал аьршарай нанисса хасъсса аьралий операциялий чувшиврий жанну дуллуминнал ва гуртту хъанахъиминнал матчча-гъанми,

властьрал вакилтал, жяматийсса ишккаккулт, студентъгал ва дуклаки оьрчІру.

СВО-лия шаву дирну увкІсса Каспийскаллал хъьирил пехоталул батальондалул командир Идрис Кьурбановлул, бавтІминнахъ байрангу барча дурну, барчаллагъ увкунни аьралитурран буллалисса кумаграхлу.

– ПаччахІлугърал ва жяматрал чулухасса чІарав бацІаврилли аьралитуравун хъьичІунмай бачинсса гъавас бутлатисса, – тІий ур аьраличу. Яла-ялагу оьрчІал чагъардал дакІ дацІан дуллай бур тІар ххувшаврийн.

«Боевое братство» ккурандадул каялувчи, аьралий иширтгал гурттучи Мусащайх Салмановлул кІицІ лавгунни жува абадлий пахрулий бикІантІишиву дакъаврил цІаний жанну дуллусса жула ватанлувтурал виричувшивурттая. «Тайнаясса аьпа буруччиншиврул жува аьркинссар дуруччин жула цашиву. Къабагъаннав жула жагьилтуран ярагъ кІунттил бугъан. ХІакьину тІурча, вайннал яла кьалагайсса буржну хъанахъиссар ватандалул ххуллий жанну дуллуминнал ниттихъах аякъа даву», – увкунни Мусащайх Салмановлул.

Хасъсса аьралий операциялий чувшиврий жан дуллусса Абдулла АбдурахІмановлул буттал Ирасхан АбдурахІмановлул, бавтІминнахъ байрангу барча дурну, барчаллагъ увкунни вирттаврал аьпа буруччинсса давуртту дуллай бушиврухлу.

– Паракъатну личІаннав жула ялув ссав. Жу пахрулий буссару жула оьрчІал виричувшивурттая, му жул тарбиялул биялар. Дагъусттанлувтал мудангу бацІантІиссар ватандалул махъ, иш багъарча, жу, ниттихъулгу, бацІантІиссару жула оьрчІал чІарав, – увкунни хасъсса аьралий операциялий чувшиврий жан дуллусса Банас Кутурчаевлул ниттил Умирза Кутурчаевал.

Хасъсса аьралий операциялий ливтІуминнал аьпалун ца минутрайсса пахъ багъуна.

Мероприятиялий шаллу бунни патриот журалул балайрду ва шеъррду, ми балайрдахун ккаккан бунни кьавтІаврил композицияртту.

**Ж**улла лакрал шархъавасса кьачансса жагьилтал гуртту хъанай бур Украиннай нанисса хасъсса аьралий операциялий. ВицІхъиял махІлалий дакъагу, Лакрал райондалийгу ца яла хъунмур шяраваллин ккаллісса КІундиннал шярава шикку гуртту хъанай ур 6 жагьил. Ватан дуруччайминнал кьини, февральданул 23-ний, КІундиннал школалий хъунни СВО-лий гуртту хъанахъисса жагьилтуравасса каннашласса, захІматсса шаву дирну, утти цайна цува укІлакІисса, чІал кьавхъуну махъунай ачин нанисса Муслим Абачараевлулалсса хъунабакъаву.

## Ца шярава – ряха жагьил



### Бадрижамал АБЛИЕВА

Ва батІаврил сакиншинначиталну бия КІундиннал школалул коллектив ва дуклаки оьрчІру, директор Абакар Гуйдалаев, оьрус мазрал ва литературалул учитель Абризат ХІажиева бакІчину.

Вирттавращал хъунабакьин ва кьини, школалул коллектив, дуклаки оьрчІру ва шарнил жямат бакъасса, бувкІун бия вара шяравасса 1-мур ранграл капитан, цІанасса чІумал Каспийск шагърулийсса «Дагдизель» заводрал генеральный директорнал хъиривчу Геннадий Кьурбанов, шяраваллил бакІчи МахІаммад МахІмудов, Шамхалла хасну ва батІаврийн увкІсса пенсионер Шамил Оьмариев, шяраваллил жяматрал оьрмулувух хъьичІунну гуртту хъанахъисса Низами Умаров ва чІавусса цаймигу. Бусравсса хъамаллуравух бия Лакрал ва Ккуллал районнал военком ХІасан Массуев ва Лакрал райондалул КІулушиву дулаврил управлениялул начальник Тамирлан МахІаммадов. Хъамаллул цинявналвагу лавхъуна махъру. Ихтилатчитал чІурчІав дуллай бия хІакьину жула жагьилтуралдуллалсса кьучагъшивурттай. Тамерлан МахІаммадовлул цалвамур ихтилатраву кІицІ лавгуна КІундиннал школа райондалий гьарцагу ишираву хъьичІунну буккайшивугу. БавтІминнал гьирарай вичІи дирхъуна тарихрал учитель Шихлаев Абдулул гьарта-гьарзасса ихтилатрах. Махъ лавхъуна цалва Муслим Абачараевлулгу.

Учительтурал ва дуклаки оьрчІал хІадур дурну дия культуралул хъуннасса программа. Ва

кьини оьрчІал, виртгал байрандалушалул барча бувну, дурккуна назмурду, увкуну балайрду, бивзуна кьавтІун. Школалийсса хъунмасса интерактив экран ва компьютерду ишла бувну, цинявналвагу архІал ххал дурна ва кьинилун хасъсса суратиртгал ва видео материалгу. КІира ва чІаравсса сьятрайсса хъунабакъаву – Чувшиврул дарс, хъуна дакІний личІансса.

КІундиясса жагьилтал, вайннавух Муслим Абачараеву, СВО-рай гуртту хъанай бур яла захІматсса, яла нигъачІисса кІанттурдай. Муслим хасъсса аьралий операциялий ккаккан дурса чувшиврухлу лайкь хъуну ур «За отвагу» ва «За воинскую доблесть» медаллан.

Ислам Аьлибугтаев ва Казбек Массуев – «За отвагу» медальданун.

ЧІал кьавхъуну махъунай ачин нанисса Муслимлухъхъун дуклаки оьрчІал ва шарнил жяматрал булуна аьрайминнасса сьайгъатру, вайннал дакІру дуллалисса, цІуллуну-сагъну ва ччясса мутталый ххувшавришлал шаппай зана шаву чІа тІисса мукъурттишлалсса чагъарду.

Мажлис гихунмай лахъи лавгуна ссупралух. КІундиннал шяравасса заргалтурал чулуха хІадур бувну бия барачатсса пулаврал кьазан-кІункІур.

Школалул директор Абакар ХІамзатович хъунмасса барчаллагърай ур канма ва давриву ва цайми-цаймигу кІанттурдай кумаг буллалисса Низами Умаровлул. Шиккува кІицІ лаган, Низамил ва батІаврийннин хІадур дурну дия шяравасса кьучагътурал суратиртталалсса хъуннасса баннергу.

## Ватан дуруччултрал кьинилун хасну Уздансса даву

Ватан дуруччултрал байрандалуцун бавхуну хасьсса операциялий гуртту хъанахьсса аьралитурачан барча бавуртту, ссайгъатру гъан буллалисса акциярду хъунни Дагъусттаннай. Цал ттигу исват дунни жула халкъуннал цала чумартшиву, захматсса чумал цачу бушиву, кумаг бан хладуршиву.



Анриана АБДУЛЛАЕВА

Хьювхьял шяравасса Сафийат Кьурбановал сакин бувсса «Уздансса лакрал миллат» тисса

группалулу гъан бунни арцуинусса кумаг хасьсса аьралий операциялий гуртту хъанахьминначан. Ва группалулу бур зунттал районнай, Аьрасатнал шагьурдай ялапар хъанахьсса 40-нния ливчусса лак.

Шайнал шаймур дирчуну, тйайла дурккун дур вайннал Ватан дуруччултрал байрандалийнсса бахшишну цала рартлсса арцу.

Уттигъанну аьралитурая дуркун дур жаваб – вайнахь барчаллагъ тисса видеоролик.

Аьралитурасал архлал жугу буру зухь барчаллагъ тий, хурмат бусса «Уздансса лакрал миллат» группа. Каши ххи даннав, бюхълай личаннав. Зу бумур Аллагъначагу бучи лякьиннав.

## Барчаллагърай бур ссайгъатрахлу

Ларгсса номерданий жу бувьсса Ватан дуруччултрал кьинилул Лхунин Лакрал райондалул администрациялул ирглийсса ссайгъатрахлал «Газель» тйайла бувкшиврия хасьсса аьралий операциялий гуртту хъанахьсса аьралитуран.

Зулайхат ТАХАКЪАЕВА

Му иширал сиптачину хъуну ур райондалул бакчи Юсуп Махаммадов. Вай гъантрай Лакрал райондалул Телеграмканалданий дурккунни, ссайгъат Запорожскаллал аьрайн бивну, ликкан буллалисса, аьралитал дуклаки оьрчлал чагъарду, барча буллалисса открыткарду ккалаккисса, кьаркь диклухун ххунк1 канаккисса суратру ва видеоролику.

Аьралитал барчаллагърай бур райондалул агъалинай ва дуклаки оьрчлал, дак1нийхтуну тйайла бувксса ссайгъатрахлу, гъавас бутансса чагъардахлу.

Кумагашал лавгун ур хасьсса аьралий операция байбивхьусса гъантрая шийнай тикку гуртту хъанахьсса Хурттал шяраватусса Заур Маммаевлул уссу Омари. Омари цувагу чумуя чумуйн лагайсса ур Запорожскаллал областърайн жула аьралитуран гуманитар кумаг лавсун.

## Виричунал муьцу

Ватан дуруччултрал кьинилун хасну Шардал школалий тивтунни Украиннал аьршарай нанисса хасьсса аьралий операциялий чувшиврий жан дуллусса Жамалуттинов Махаммад Жамалуттинул арснал аьпалун хас бувсса Виричунал муьцу.



Муний гуртту хъунни райондалул администрациялул вакилтал, учительтал, дуклаки оьрчлал ва миннал нину-ппу, виричунал матча-гъанми.

Махаммад Жамалуттинов, хасьсса аьралий операция байбивхьусса цалчинсса гъантрайва лавгун, артиллериялул дивизиондалул автомобил отделениялул дузалшиндарал взводрал командирну ивкун ур. Чувшиврий жан дуллуну дур Запорожскалий август зурул 20-нний. Аьрасатнал

Президент Владимир Путиннул Указрайн буну, лайкь увну ур Чувшиврул ордендалун. Дуклаки оьрчлал сакин буну би Виричунан ва хакьину хасьсса аьралий операциялий гуртту хъанахьисса Аьбдул Ятйевлул, Аслан Халимовлул хас бувсса чирал кказит. Дурккунни назмурду. Муния махь Буттал Кланттул цанийсса Хъунмасса дьявилунай зана къавхьминнан дацан дурсса гъайкалдануц1 дирхьунни тйутив.

Ноябрь зуруй бувксса «Илчи» кказитрай (№ 46) жу чивчуссия Украиннаву нанисса хасьсса аьралий операциялулу гуртту хъун хушрай лавгсса жула коллага, чярussa шиннардий «Дагестанская правда» кказитрал фотокорреспондентну зузисса Юрий Ивановлуя. Ххюва барзгу тийх буну, Юрий зана хъунни Дагъусттаннай.

Гъай-гъай, «Илчи» кказитрал редакциялийнгу увкунни. Жугу ихтилат барду ванашал.

## «Тйайламигу жувару, ххув хъунтиссагу жувару»



Юрий Иванов

– Юрий, цукун, циван хъур вин дьявилул ишру нанисса кланттурдайн, хасьсса аьралий операциялулу гуртту хъун гъансса пикри? Ссал гъуз учин увра?

– Аьрасатнал хукуматрал цала мурадру буруччаврил цаний хасьсса аьралий операция байбивхьувкун, хлписар хисаврай нава тикку ик1ан аьркинну ч1алай бия ттун. Хъиннува гъуз учин увнав Мах1ачкъалалив Цашиврул кьини клант лаглагисса чумал СВОлул гурттуцинал бувсса ихтилатрал. Танал фамилия Хлажиев дирк1сса ххай ура. Шаву дирну увк1сса ия. Танал кут1асса ихтилат буну, амма та ихтилатрава ттун бувч1уна аьралитуран кумаг аьркин хъанай бушиву. Пикри бав, нава цана тийх уч1и лякьинссара куну. Лавгун военкоматрайн, повестка ласав.

– Чув, цуми аьралуннаву кьуллугъ буллай уссияв ина?

– Тийх бувсса ххювагу зуруй на ца кланай – Запорожуллал областърай уссияв. Жул бурж бия дазурду дуруччаву. Кьирим кунна, Аьрасатнавун дурхсса республикарду дуруччаву. Связист хисаврай ттун линиярду дакьин дуллан, зузи дуллан багълай бия. Му даву ттуша дан бюхълай бия. Хъхьич1сса к1ива зуруй на уссияв бахьтагъалтрал аьралуннаву, махь увтунав танкардал подразделениялувун. Шикку, оьрмулул шиннал хурмат буну, танкалий шьякьавтун, дука-х1ач1анмунилсса буллан тапшур бунни.

– Бивь вил подразделениялуву Дагъусттанна-ясса аьралиталугу? Цукун кьамул увра ина миннал?

– Ттушал кьуллугъ буллай бия опыт бусса аьралитал, контрактрай бувк1ми. Бия Донецкалал республикалияссагу. Бахьтагъалтрал аьралуннаву-сса чумал Дагъусттанна-ясса бия ч1явуми. Личи-лич1исса миллатирттал оьрчлал бия. Цамур подразделениялувун увтсса



чумал, тикку цайми региона-яссагу, Астраханна-ясса, Ростов-раясса бия. Мах1аттал хъуну бия оьрмулул жагьил акъасса на цукун агъссара тихун т1ий. Жула дагъусттанлувтурач1а хъуна-нал хурмат бик1айхха, тай цин-няв ттуша хурматрай бия. Нагу му лайкь бан х1арачат байссия. Хъунама хисаврай нава бан аьркинмур буллан ик1айссияв. Жагьилминнал дак1 данмур буслан ик1айссияв.

Дьявилул ишру нанисса кланттай хъиннура аьч шайссар адаминал хасият. К1иц1 лаган, жула дагъусттан оьрчлал бюхъу – бажар бусса, тагъарданух бурвгун зана-кьулу бик1ан к1улсса бия. Жула оьрчлаву дия чумартшиву, чувшиву, ч1арав бац1ан к1улшиву. Тай лайкьну бартбигълай бия аьраличунал бурж. Шавай итаавкьусса чумал, чансса х1аллайсса на Чачаннаву Ханкалалий уссияв. Тийх бия шавурулу дирсса жула оьрчлал. На увч1уну, гъан хъанай, яхши-хаш буллан бик1айва. Ттунма цинявппа дак1ний кьаливч1ун нач хъанай ивк1ра. Яла-яла нач хъанай дия нава шавай най, тай тийхва лич1лай т1ий.

– Вила хъхьич1 аьралитурал жанну дуллусса, ми ц1арава буккан буллан багъсса кланттурдугу хьуссарив?

– Ттул взводраву мукунсса ишру къавхьунни. Шавурду дирминнан кумаг буллан багъссар. Шавурду дирминнал ишругу личи-лич1ину багъайва. Захматсса шаву дирма, ччяни хъин хъуну, ччаннай авц1уссагу шайва ишру. Дахьрасса ххарс-сив хьуссаннал тагъаргу оьни-вун дагъан бюхъайва, оьттул заражение хъуну. Жуч1а уссия армиялийсса чумала контузия хъуну, маз бахчилачисса аьраличу. Аьралий операциялулу к1илчингу контузит хъуну, ххуйну гьалгъа т1ун ивк1ссар.

– Буч1айвав зуч1ангу ватанлувтураясса, дак1 дуллалисса чагъарду? Зу, мийжаннугу, ххари шайс-сив миннуя?

– Гъай-гъай, ми буккин хъунмасса гъира бик1айва. Жуч1ан бувк1уна Тарумовский райондалиясса дуклаки оьрч1аяссагу, цайми кланттурдаяссагу чагъарду. Бувккуну махь, командиртурал бач1айва ми жуйх, жавабру чичиншиврул. Ттухъхъун бул-

луна Краснодардаясса 7-мур классраву дуклакисса Елизаветал чагъар. Та буслай бия цинма хъунмасса гъира бушиву тарих лахъхъин, ккалай бушиву тарихрал луттирду. Таничансса жавабраву на чивчуссия Александр П-нал махъру: «Основной урок истории заключается в том, что люди не извлекают из истории никаких уроков» тисса. Вай махъру, Мах1ачкъалалиясса «Аьрасат-ттул тарихри» музейравусса стендрей бувккуну, дак1ний ливч1уна. Цанасса тагъардануц1унгу бавкьу бивзуна.

– Цукун к1ул хъуна виятува «Илчи» кказитрай чивчуну бушиву?

– Махьалалийнсса ссылка дурк1уна ттула коллагахьал. Ма-жал биривсса чумал му ттухь таржума дурна жула аьраличу, Х1абиб тисса лакку оьрчлал. Ца чулуха, намус хъанай бия ттуява укун ххуйсса затру чичлай, гамур чулухагу, укунсса затирттал аьраличунал дак1 дай, ганавун гъавас бутай. Цинявппагу аьралитурал цания барчаллагъ зун, дак1 дансса мукъурттихлугу, жу-хара дуллалисса дуаьрдахлугу.

– Вила пикрилий, лахьи лагансарив хасьсса аьралий операция?

– Ттуша му суалланун жаваб дулун кьавхьунссар. Операция бац1ан бан жула хукумат хладурну дур. Так тамур чулуха, ччарча дамбартту п1якь учин буллай, ччарча диверсияртту дуллай, тагъар оьлукьин данмур, лахьи лаган данмур буллай бур. Мугълат бакъа ахир дишин кьашайсса дунутг1ири ванийн хасьсса аьралий операция т1уттисса. Хъамабитан кьабуч1иссар тикку атомрал объектру, нигъач1аву дусса лабораториярду бушиву, укунмасса инсантал бушиву. Амма, кьинилия кьинилийн ххисшала хъанай бур жуйнна хайн хьусса хукуматру бак1рай дац1аншиврийнсса умуд. Ч1арусса шиннардил хъхьич1гу мукун хьуссар, уттигу хьунтиссар.

Буттал кланттул цанийсса Хъунмасса дьявилул чумал тара аьршарайх жула буттахьал, ттаттахьал бивтсса ххуллу цанасса никирангу битлан багълай бур. Жула буттахьал оь эки бувтлусса аьршир та. Жунна цукунч1ав кьабуч1иссар тикку фашистьтурал идеология цу дуккан дитан. Му цукунч1ав жунма кьакьамулсса затри. Ттул ттула ттатта Филипп Терешенков дьявилул участникри. Украиннал аьрши фашистьтура мурахас дуллай ивк1ссар. Дьяви кьуртал хъуну махъгу тиккува заводрай зий ивк1ссар. Тйайламур жула чулухри бусса. М. Лермонтовлул увкуну бур: «Есть чувство правды в сердце человека». Муна му тйайлашиву дур аьрасатлувтурал дак1урдиву. Тйайламигу жувару, ххув хъунтиссагу жувару.

– Барчаллагъ, Юрий. Жува т1умур Залгу тий лякьиннав.

Ихтилат бувссар  
Анриана АБДУЛЛАЕВАЛ

Хъаннил байрандалун хасну

# Арамтуращал ца хъар лархъун най

Бадрижамал АБЛИЕВА

Хъурттал шяравасса **Мусаева Султанат Махаммадлул душ**, Махачкъалалал 33-мур школагу къуртал бувну, 1976-ку шинал, оьрмулул 18 шинаву, бувкун бур заводрайн. Дяхта зий, хъхувай дуклай, Ятлул дипломрай бувккуну бур Механикалул техникум. Ва бур инженер-нормировщик ва экономист. Заводрайн бувкуния шийнмай 45 шинай ца кӀанай – 18-мур цехраву зий бур.

ЗахӀматшивурттая цӀувххукун, ва тӀий бур: «ХъхъичӀва 4 азарунния ливчусса инсантал зий бия, цӀана цикссагу чансса бур. Цукунугу, жуша буюхъунни завод ябуван, бюкӀан къабитан. ЧӀявуми махӀатталгума хъанан бикӀай, завод ттӀигу «сагъну» бусса кӀул хъувкун. ЗахӀматшивуртту чан дакъар, ми дух дувару. ЧӀярусса мюршкьоршсса заказру дикӀай агӀалинан ичӀура аьркин шайсса, мукунна – цивпа залусса организациярттаясса, идарарттаясса. Ваницун дархӀусса мюршкьоршсса расчегру, хӀакъи-хӀисаврттугу дуллан багъай», – буслай бур ва.

Къукуннал шяравасса **Лариса Хавчаева Махаммадлул душ**, инженер-технолог, заводрай зий бур 1980-ку шиная шийнмай. Механикалул техникумгу бувкуну бувкун бур ва шиккун. Ванил даву дархӀуну дур аьралий ва граждан шинал жамирдан аьркинмур итадакъаврицун. Ванил дуллаи бур ва давриву чара бакъа аьркинсса чертежру, процессру сакин буллаи, аьркинса инструментру, станокру язи бугълай бур. Лариса зий бувкун бур заводрал личи-личисса цехраву, махъсса ацӀнияхъайсса шиннардий зий бур 18-мур цехраву.

Татар миллатраясса **Абдиева Дияфрюс Курмаевна** бур лакрал жалин. Ванил лажиндарай чан къашай пиш, чани, ва вибувцунува бур оьрмулхсса ва даврихсса гьирарал. ЧукӀуннал шяравасса Буттал арс Абдиев Мирзаханнушал чачӀу ванил 45 шинайсса оьрмул бутун бур. КӀул хъуну бур вай 1961-ку шинал Аштарханнай, му чӀумал Мирзахан, техникумгу бувккуну, шикку практикалий ивкуну ур. Ташу бувну бур 1966-ку шинал. Вара шинал бувххун бур жагъилсса душ М. Хажиевлул заводрайн. 1987-ку шиная шийнмай ва зий бур хъунама технологнал отделданий инженер-технологну. ХӀакъинугу, шиннардих къабурвугун, Дияфрюслул зузавугу, кӀулишвурттугу, аькьилишвугу тӀалавну дур шикку. Завод ванил хӀисав бувай шилва кӀилчинсса къатлун, 56 шинай архӀал зузими – цилва гъанчунан. Ванил лас, аьпа биву, Мирзахангу зий ивкуну ур заводрай, цехрал начальникнугу, цайми-цайми давурттайгу. Вай кӀиягу заводрал ветерангал хъанай бур. Заводрайсса даврия тархъансса чӀумал ванин ххирар аьрщараха зун. Ванивугу духъунссар ванил жагъилишвирул, зирангшив-

Билаятрал мюхчаншиву дуроччавривугу, цайми-цайми ишир-ттавугу, агӀалинал багъу-бизулувугу аьркин хъанакъимур щаллу дуллаи, М. Хажиевлул цӀанийсса заводрай, совет заманнай кунма, арамтуращал ца ххуттай зузисса хъами чӀявур хӀакъинугу, вайннавух – лакгу.



Султанат Мусаева

здравпунктрай хъунмур медсестрану. Жарият бувну бур Щурагъ, кликкува школагу, Ятлул дипломрайнну медициналул училищегу бувккуну, кулпатрал хъуну, Махачкъалалив бивзун бур. Ванил лас Шарип Лаккуй, Къурлав, ялапар хъанай ур, шярваллил хозяйствалухагу зий. Жариятгу Лаккуйгу, шагъулийгу бур. Ва заводрай Жарият зий бур 2014-ку шиная шийнмай. Ваниннин цилва пишалий зий бивкун бур Щурагъ. Производствалий чӀиви-хъунсса апатӀ хъусса чӀумал, цалчинсса кумаг буллаи, жаваблувшиву ххину зий бур Жарият.

Карашатусса **Абдулмухидова Мунира Батталовна** Махачкъала шагърулул 39-мур школалий дянивсса даражалул кӀулишвугу ласайхтува бувкун бур



Лариса Хавчаева



Дияфрюс Абдиева



Жарият Махаммадаева

рул къюлтӀшиву.

Къуруллал шяравасса **Махаммадаева Жарият Сулайманлул душ** зий бур заводрал

ва заводрай зун инструментиртал кладовщицану. ХӀакъинусса кьинигу зий бур шиккува – 18-



Мунира Абдулмухидова

мур цехраву, зузалтран аьркинсса къай-къуйлулсса буллаи, сайки 40 шинай.

«ХъхъичӀва, кӀира сменалий зий, хъинну чӀявусса инсантал бикӀайссия заводрай, цӀана,



хъхъичӀмуних бурувгун, хъинну чанну бур. Зий, занай буру, ца хъунмасса кулпат кунма. Ттун вай цинявпагу ттулва уссурвал, ттулва гъанчу кунма ххирассар, вайннал хӀурмат ттучӀа, ттулсса вайнначӀа буссар», – тӀий бур Мунира.

Ванил бурж ва чӀиви бакъасса цехрал даву дакъацӀанну, зузалт ялугълаги къабанну, цила чӀумуй аьркинмунил, зузи ярагъуннил лашу-шаллу бавур.

Гъарца зузала гъантлун цимийлагу учӀайссар шиккун инструментиртал хъирив. Канихъхъун буллумур ва махъунмай бувкӀмур инструментрал ялувсса чичругу дувайссар чара бакъа, булуннин цал багъайсса дара-



Шакират Абдулвагъидова

жалийн бувцуну, зузи бувну, махъунмай лавсун бувкӀукунгу, марцӀ бувну, цила-цила кӀанайн бувкун. Гъарца инструмент цила чӀумал лавсун гъан аьркинссар лабораториялувугу, ххал бигъаву дуван. Лабораториялувусса хасъсса пишакартурал аьралий продукция дувайни ишла байми инструментру ххал буван тӀурча, хӀатта цайми шагъ-рурдаясса пишакартал, комисси-ярдугума бучӀайсса бур.

Зузала тӀимуних вичӀи дӀшин кӀулсса, аьркинний кумаг бувайсса, чӀарав ацӀайсса, инсаншиву дусса, зузалтрая ца дувангу, аьркинний, аьй дувангу кӀулсса цала директор Абдулвагъаб Папалашевлуя рязину бур Мунира ва махъсса зузалт.

Вава заводрай, 13-мур цехраву, хъхъичӀва зий ивкуну ур ванил ппу, аьпа биву, Баттал Махаммадовгу. Цана шикку, 2-мур цехраву, зий бур ванил душ Сабирагу, куявгу.

Буршият шяравасса **АхӀмадова Каинат Ибрагимлул душ** бувну бур Азирбиджаннай, Закавказьиннай. Тийхва школагу бувккуну бур. Мунинингу Дагъусттаннай чӀявуну бивкӀай бивкӀсса Каинатлул школа бувккуну махъ ларайсса кӀулишвурттугу ларсун дур Дагъусттаннай. Инженер-механикнал пиша язи бувгъуну,

**Каинат АхӀмадова**

1981-ку шиная тӀайла хъуну зий бур шикку, лабораториялуву, хъунама метрологнал отделданий контролерну. Вай зий бур заводрал цехирдаву итадакълакьисса продукциялул лагрулул ялув бацӀлай, хаснува обороналул заказру дусса чӀумал.

Вава заводрай зий бур ванил ссу Написатгу.

Буршият шяравасса **Абдулвагъидова Шакират Лукманлул душ**ни, Махачкъала шагърулул 5-мур школагу къуртал бувну, Механикалул техникумгу, Педагогический институту бувккуну бур. Заводрайн бувкуну бур 1985-ку ши-

Хъаннил байрандалун хасну

# Арамтуращал ца хъар лархъун най



нал. Муния махъ, заводрая лавгун, личи-личисса клантурдай зийгу бивкун, махъунмай заводрайна бивкун бур. Ва бур контролданул мастер, дуллалисса гъарцагу затрал ялв бавцуну, га дурну къуртал хъун махъ буллай бур паспорт ва гъан дуллай бур муштариначан.

Килчинмур Шувкуллал шяравасса Дибирова Муьминат Нажмуттиннул душ, буттал шяраву школагу, яла Политехнический техникуму къуртал буну, 1978-ку шинал тИайла бивкун бивкун бур «Стекловолокно» заводрайн. Душниннив цуппа практикалий бивкисса М. Хажиевлул заводрайн ччай бивкун бур. Мукун бивкун бур шикку зун, зий бур, двигателлал чархру (катушкард) кай-кай буллай, электрообмотчиану.

Махмудова Анжела Сулайманнул душнил хъунма хIал



Муьминат Дибирова

къавхъуну бур 18-мур цехрал кладовщиану зий. Нину, Карашрал шяравасса Магьият, ва



Анжела Махмудова

ппу, Сулайман, шикку зий буну, оьрчИнийва шиккун буклай, кIулсса, ккаклай бивкисса завод бакъа бацIан къахъунссия тИий бур Анжела. ХъхьичIрасса



Магьият Махмудова

чIунну дакИнийн дичлай, кIицI лаглай бур шанна сменалий зий бивкIшиву.

«Хъунма стаж бур куну, пахру буван къахъурчагу, ттун хъин-

ну ххирар завод, шиккусса даву», – тИий бур ва.

Карашатусса Махмудова Магьият Хажинал душ заводрайн бивкун бур 1976-ку шинал. Зий бивкун бур 1996-ку шиналнин, яла махъ, цуппа зузисса цех лавкьукун, зун бивкун бур заводрал хъунна хIаятраву бивхъусса чИиви тгучандалий, зузалт чара бакъа аьркинмунил шаллу буллай. Заводрай зий ур ванил ласгу, цахъюрдал миллатраясса Сулайман Махмудову, душ Анжелагу.

М. Хажиевлул цИанийсса заводрай зузисса цинявпа хъами-душварахъ барча дуллай буру ялун нанисса Хъаннил байран.

Вания тийнмайгу чIярусса шиннардий битаннав зу зунсса, занансса гъирарай, оьрмулия ххари-шадну.

КIулну бикIаншиврул

## Ризкьилул чIарахсса

### ххиличIрурдал хIакъираву

- Ссайн буну къамул дурссар ва ризкьилул чулухами сурсатиртгал (пара, хъут) хIакъиравусса закон?

– Пара, хъут ва мукунна ризкьилул лурсса (подстилка) ва экилла-глагомур (стоки) хъанахъиссар ризкьилул чIарахсса сурсатруну, миннуя шайссар хъинну ххирасса органикалул оьргъашиву. Утти ва цIусса закондалийну ми сурсатру дукъан дуллалиссар «Производствалул ва ишлашиндарал ххиличIрурду» тIисса Федерал Закондалувату. Мунил мяънанугу хъанахъиссар ризкьилул пара сивсуну бичин бюхълахъаву хъуруннай, аьрши оьргъа даншиврул. Утти ризкьичитурал цалва пикри бантIиссар ци бан бурив ми сурсатиртган. Масалдаран, агана хъузалан ччай бухурча миннуя органикалул оьргъашиву дуван, му цIусса закондалуцIун бавкьусса зат бур. Агана, мунал пикрилий, пара ххиличIрулун ккаллину бухурча, мунан аьркинссар цайми законнал ва норматив активирдал лагрулий къуцу тIун.

Мунийн буну, мартрал 1-нний шийнай, закон зун диркIукун, ризкьичитурал давуртгал шартIру хъин чулийнай даххана хъанахъисар.

- ЧIалачIиссаксса, закон зунтIий дур аьршарал оьргъашиву лахъ давриха?

– Гъай, му Дагъусттаннан хъинну агамсса ишри. Жулла аьршарал ялвумур къатливу чансса дур оьргъашиву. Дянивну гумус дур 2-2,5 процент. Мунияту аьршараву оьргъашиву хIала даврийну хъунил рахIмат лахъ хъанахъиссар. Махъсса шиннардий Дагъусттаннал хъузатрал чанну дичлай бур органикалул оьргъашиву хъуруннай.

- Дянивну ца шинал мутталий циксса пара салкыи шайссар жула республикалий? Циксса пара бичайсар хъуруннай?

– Республикалий ми шайссар

Гъашину мартрал 1-нний шийнай зун диркIунни «Ризкьилул чIарахсса сурсатиртгал (побочные продукты) хIакъираву ва цаппара законнаву дахханашивуртту даврия» тIисса 248-мур Федерал закон. Ва закондалуцIун хъузатрал ва ризкьичитурал чулухату чIявусса суаллу хIасул хъанай бушивугу хIисавравун лавсун, ДР-лул шяраваллил хозяйствалул министрнал цалчинма хъиривчу Шарип Шариповлул жавабру дуллунни цаппара суаллахъхъун.

6-7 тоннаксса. Цуксса хIайпнугу, махъсса 30 шинал мутталий органикалул оьргъашиву чанну дичлай бур хъуруннай, дянивну шинал мутталий дичлай бур 1,5 млн тонна.

- Цукун кIул дуван бюхъантIиссар, ссан ккалли дантIиссарив ризкьилул ххиличIрурду? Ми кIул дайсса мухIлу-хIин дуссарив?

– Закондалул ккаккан бивсса куцуй, гъашину майрал 1-ннийнин ризкьичинал ДР-лул Россельхознадзорданул управлениялийн баян бан аьркинну бур циксса пара хъунтIий буссарив чачIава (прогноз хIисаврай) ва миннуя циксса органикалул оьргъашиву ласунтIиссарив. Агарда ризкьичинаяту мукунсса баян баву къадучIарча, мунал сурсатру ккалли дантIиссар ххиличIрулун (отходиртган).

2024 шиная тийнмай ризкьичитурал цала сурсатиртгал хIакъираву баян буван аьркинссар гава идаралийн гъар шинал декабрьданул 31-ннийнин. Гъарца хозяйствалий бикIан аьркинссар ми баян бавуртгал хIакъиравусса ва сурсатиртгал ккаккиртту чирчусса журнал.

- ХIисав-сан (учет) ци чIумал дуван аьркинссар: ризкьий тIулунттай бусса чIумаллив, ягу, духччай бунийгу хIисавравун лавсун, чачIу?

– Так тIулунттай бусса чIумал дуван аьркинссар.

- Чув сахла дуван аьркинссар ризкьилул чIарахсса

сурсатру, миннуя органикалул оьргъашиву дуван най бухурча?

– Миннун хасъсса кIанттурду бикIан аьркинссар бетондалул чIангу дурсса ва цаймигу тIалавшиннацIун даркьусса, цанчирча ялв бацIай органнал ашкара дуллантIиссар миккусса диялдакьашивуртту.

- Цуксса хIаллай ми кIура даен аьркинссар органикалул оьргъашиврийн?

– Ца шинал мутталий. Агана хъузала 2-3 зуруйсса ми ягу дурну хъуруннай дичирча, му закон лиян даву хъанахъиссар.

- Утти закондалул ми сурсатру хозяйствалул залуннал хъуслин ккалли дурну дурив?

– Дур, ми налогиртгал ягу бухгалтериялул хIисав-сандалий чIалачIи даншиврул.

- Контролданул давуртту ва аькIри дишавуртту закон зий дайдирухъукунни дуллантIисса?

– Юх, 2023 шинал дуллантIиссар закондалул хIакъиравусса бивчIин бавуртту.

Ва закондалул тIалавшинну бардигъларча, къаьркинссар багъа булун лагмасса тIабиаьтрайн зарал биян баврихлу, уттинин кунма. Яла агаммур – хозяйственниктуравун гъира бутлатиссар пара хъуруннай бичлан, аьршарал оьргъашиву лахъ даву мурадрай.

Гъаннайсса, ва хъинну агамсса законни, шяраваллил хозяйствалул мурадиртгаха зунсса.

ХIадур бивссар ХI. АБДИЛОВЛУЛ

Турциянал билаят бигъалаган гъан дакИнийсса инсантуран ца язимум кIанттуну ккаллину бур. Туризмалул индустрия тIурча, тикку мундану хъхьичI ххуттай дур. Яла чIявуми туристталгу, нех дирхъуну, Турциянавун бур, мунийну билаятрал экономикалул хъунмасса хайр хъанай бур.

АпатIрацца буруччиннав

## ЗахIматсса чIумалгу бигъашиву ччай дур

Амма ца хъхъу-къини Турциянал шагъурду чIан-лаялун бансса зарзала хъунни. ЛивтIусса ва шавари хъусса цикссагу бур. Къини дуркнал чIарав бацIлай, дуниялийцири кумагру буллай бур. ЛивтIуминнал аьдад 41 азарунния лирчусса дур. Уттигу ливтIусса ва бившусса лекъурдала личин буллайна бур. Хъанахъисса иширтталлив мяйжан буллай бур цайминнал дардирал чIарав буллакмигу чансса бакъашиву. Мукунсаннан ккалли хъунни Турциянал шагъурдайсса личи-личисса патирдаву ялапар хъанахъисса туристтал.

ХIакъинусса къини Анталъялий къамул увну ур бала-апатIрагъхъун иривсса 55 азара инсан. Миннал аьдад гъантлия гъантлийн хъунна хъанай дур. МЧС-рал зузалт ми уттигу автобусирттай ххилайна бур. Лихъачалт къамул буллай бур Мармарис, Фетхие, Бадрума, Измир ва Каппадокия шагъурдай.

Патирданул заллухъру къини дурксса инсантурал чIарав бацIлай бур, амма туристтуран му бивчIин ччай бакъар. Мармарис шагърулий патирданузу зузисса оьрус хъамитайпалул буллай, ремонтту анавар дуккан дурну, патирданул бачIи лихъачалтрахъхъун буллуну бивкун бур. Му туристтурахун бахчайсса корпус бакъасса бур. Амма туроператортурая чIярусса зангу дукIлай диркIун дур, туристтал арцу махъуннай тIалав дуллай бур, анавархъиндарай масъала шаллу бара тIий.

Шагъурдавусса хъамалханардал заллухъру тIурча, баян

буллай бур, лихъачалтрал лагердания архну бигъалаган ччисса туристтуран къатри 500 долларданух ижаралий дулунну тIий.

ТурциянацIун бавкIуну зузисса туроператортал буллай бур, цанма чIалай бивкIшиву укунсса иш хъунтIисса, мунияту хъхьичIава баян бунугу бивкIун бур патирдал заллухъруннай Турциянавун бигъалаган нанисса инсантал махъаллил хъун бюхъайшиву.

Турциянавунсса путевкардал цIуху-бусу 25%-30% ялавай багъну бур, миннуя махъаллил хъуну бур 10% инсантурал.

Зарзала хъуннин ларсун диркIсса путевкардах арцу занадуван тIий бакъар. Туркомпааниярттай аьй хъанай бакъар, туристтал лихъачалтращал бигъалаган къаччай бушиву вайннай багъайсса масъала бакъар.

Бур цамургу масъала, туристтуравун буруккин бутлатисса. Ми нигъабуслай бур цIунилу зарзала къахъун. ПаччахIлугърал хъуниминнал Турциянавучири патирду ххал бигъин сакин буну бур хасъсса комиссия. Утти ми патирдал ялтту буллай, миннул цаькьшиву кIул дуллай занай бур.

Лихъачалт буккан бан патирдал заллухъру дакИний бакъар, лагердай ялугълагъисса лихъачалтту цикссагу бур. Ми автобусирттай ва самолетирттай ххилай бур.

Туристтуран тIурча, цала арцух цанма ччикун бигъалагансса бигъашиву ва паракъатшиву ччай дурса дур. ХIасил, захIматсса чIумалгу бигъашиву ччай дур.

ХIадур бивссар Аминат АХИМАДОВАЛ

Хьусса иш

# Ален Делон ва одеколон

Къадарданул ттун хьамакъ-аритансса хьунабакъавуртту бахшиш дурссар. Вайн-нувасса ца 1997 шинал на Москавлив Литературалул институтраву дуклакисса ппурттуву хьуссия. Къинирдал ца къини жучан аудиториялувун увххуна институтрал ректор Сергей Есин ва кИива гьантлува палангнал машгьурсса актер Ален Делон учантИшиву бувсуна. Артист та чумал Красноярскалийн увкун ия, амма жучана учанссар тИсса вихшала дакъая. Дакъанугу, унгу-унгуну хIадур хъанай буру, хIаят, марцI дурну, лазиллакьи дуварду, янна шюшай порошок бивчуну шинавун, шюшлай марцI дуварду Герценнул гьайкал, ваца Александр Иванович, пьедесталдания увчун, утта увккун, язисса хьамаличу хьунаакъин аьркинсса кунма. Актер учантИссар тИсса къини институтрачIан миксса агьлу бавтIун бияхха, гьивч багъансса кIану бакъая. Циняв курсирдай дуклакисса студентталгу, преподавательталгу, семинардал хьунимигу бия. Телевизионщиктал, «Литературалул кказит», «Аргументы и факты» ва цаймигу кказитирттал корреспонденттал. Гуржу-кьютлу, ккучуну дия. «Най ур!» тИсса лахъсса чIу баянсса мугьлат бакъа, агьали дарвазалучан хьавххуна. Та гуржу-кьютлулува акъагъан, на муххал чапарданийн лавхъссияв, ттул хьирив чапарданийн цаймигу гъаз хьуна. Вана, ахиргу, къаталлил билаятирттал машинарданал кьюкьа дурккунни. Циняв ссавур дакъа ялугьлай бия, цумур машиналува уккайривав тIий артист. ЧIавуминнан тамаша бивзуна артист аьрасатнал «Волгалува» уккаву, цувагу тамур чулуха. Та данна тIий дурсса даву диркIун дия, хьярчиранныв, агьали байшун биванни. Артист ккаккайтту, душаврал мугьали таначIан хьавххуна, къаралданий бавцIуминнаша, ацIния кIия-шама къаралчи ия, душру байгьин хъанай бакъая. Ален Делон модалувусса чаннану миакрангсса плащраву, дагъан дурну уту дурксса оьрусса хIажакраву ва кIяласса тту-



Ален Делон Александр Лебедьлушал. ш. Красноярск. 1998 ш.

плаву ия. Ссурсулийн каруну дия хьахъи диршусса, миакрал рангсса кIюласса шарп. Актернал лях-карах гъунзсса, кIяла хьусса кIиз, ка дурккун, махъунмай бивну, бакьин байва. Ганахъхьун суаллу булун къистатасса чIявусса бия, гасят суаллал гьарал ларчIуна. Артист ва кIия таржумачи жавабру дулун ка хьирив къалаллай бия.

– Ина аьрасатнал автомобилъданий циван увкIра?

– Оьрус машиналул тIин бувчIин чай бия.

– Вин Москав ххуй бивзрив?

– Ххаллилсса шагьру бур. Шикку чIявусса, бакIрал ххуйсса хьами бур.

– Ина Красноярскалийн циван лавгссияв?

– Ттула дус Александр Лебедьлул чIарав ацIаншиврул. Жу Парижлив цIакъсса дустан хьуру.

– Ина уттигу кинораву роллу дугьлан дакIний урав?

– Актернал бакI кIутIу дурна.

– КъакIулли. Бюхъай дугьлангу роллу. На кинораву ттушава шаймур бувссар, ххимургума бувссар.

– Вин Роми Шнайдер ххирассияв?

– Ххирассия. Амма, цуксса хIайпнугу, жун личИ хьун багъуна. Яла, оьзру хьуну, му дуниялия лавгуна. Ттун чья-чьяни

дакIнийн багъай цуппагу.

– Мунин ина ххирасса ияв?

– Ухъунссияв тИсса умудрай ура.

Суаллахъхьун жавабру дуллалисса артистнахъхьун душаврал автографрансса лу, даптар бириян бувайва. Ганал, пишпишгу тIий, ссавурданий къулбас дувайва. Ца хьамитайпалул ганал хьхьичIун сурат дургъуна. Актернал, пишгу куну, га лахъну гъаз дурну, «ттун ххирасса шакилли, ваний на жагьилсса ва ккаккан ххуйсса ура» увкунна. Институтрал къапулчIан гъан шайхту, ректорнал артистнан маслихат бивна хьунмур залданувун ачин. Прессконференциялул 40 минутI ккаккан дурну дия. Актер ва таржумачитал шьябивкIсса столданий, циван дирхьуну диркIссарив, шампанскийлул кIира шюша дия. Амма миннуийн шилчIав ка къаршуна. ЦуницIа суаллу буллай булувкъуна.

– Палангнал цума артистнашал дусшиву дуну ура?

– Ттул хьхьичIунсса дус Бельмондори. Бусанна ванал нава ца ппурттуву ххассалгума увшиву. На ваначIан хьамалу лавгсса чIумал, жу, гьинттул, тIаннул къатлуву шьябивкIун, хавардай буссияв. Цакуну, цигьурнай тахсир хьуну. Цу ларчIуннихха къатлуцIух, Бель-

мондол цал ка шуну на увтунна чIавахъулттивух, яла, ттул хьирив, тIанкI дурна цагагу. ТалихИиннан, шинчIав зарал къавхьуна, цигьур-шарссагу ххассал дурссия.

– Ина авадансса инсаннав?

Делоннул рихшантрайсса пиш куна.

– Къахъунссар аваданссара учин. Ттул цаппара ресторанну ва киностудия бур. Парижлив шанма квартира бур. Нава жагьилсса шарссанишал ва кIива душнишал Швейцариянаву яхъанай ура. Ттих ттул хьуннасса коттедж дур.

– Аьрасатнал актёртурава вин цу кIулли?

– «Тегеран 43» кинораву гьуртту хьуми. Цанакул, цуксса хIайпнугу, миннал цIарду дакIнийн дагълай дакъар.

Актер фамилиярду дакIнийн рутансса хIарачатрай пикрирдавун лавгуна. Ганан кумаг буллай, цIарду тIун бивкIуна.

– Костолевский...

– Ди, ди.

– Белохвостикова...

– Гьамин муна му. Актриса ттун дакIний ливчIунни, хьунмурчIин мунишал уртакъну дуссия съемкарду.

– Уттигу аьрасатнал цумур-дунугу киносураграву гьуртту хьун чай акъарав?

– Хьун бюхъайсса ишри. Чал къавхьуну Аьрасатнал цаппара шагьурдайин иянтИссара на гастроллай.

– Цуми шагьурдайин?

Артист кIиссурттай ккалан ивкIуна таржумачитурал кумаграцIух.

– Петербург, Къазан, Саратов...

Ва лахIалуву нагу суал булун сивсунав:

– Ккавказнаву, Дагъусттаннай иян къаччивав?

Таржумачитуравасса ца къус ивкIун, Делоннул вичИилухун шуру бивна. Делоннул увкунна:

– Ккавказнаву дяъви най бусса бурхха...

– Цанакул бакъассар дяъви, – учав, цахъи гьанавиххи хьусса куна, нагу.

– Бакъахьурча, бюхъара

учIангу, – дакI къадарцIусса чIуний жаваб дулай артистнал.

Яла, каний дахIай сьятрахгу урувгун, чIун чIирисса лирчIун дур, ца суалланухъхьун жаваб дулунуксса дакъа чIун дакъар учай. Къабулуннав микку цалчинмур курсирай дуклакисса Ерошиннул (укунминнай аьмал бакъу учайхха) суал:

– ЖучIа, Аьрасатнаву, машгьурсса рок-группа буссар, му группалул учайсса балайлуву бур «Ален Делоннул къахIачIайссар одеколон» тИсса хха. Буси, лажинница, ина мийжаннугу хIачIарав одеколон?

Ванал суалданул хьирив левххун, нанисса зимизрал чIу хIисав хьунсса пахъдагьру дагъунни, чIу-чIитI бакъар. На ректорнах урувгра, ганал лажин дукъарчIинну даххана хьуну дия. Актерма таржумачинал тIутIимуних личIулуну вичИи дирхьуну ия. Таржумачи къаагъайхту, циняв махIаттал бивну, ар-ар тIий хьан ивкIуна артист. Ганал хьирив циняв хьан бивкIуна.

– Мийжаннугу, цал хьуссар мукунсса иш. Та чIумал ттун 17 шин дия. ТтучIа арцу дакъая. Дустурал цащала цахъи одеколон хIачIи увкунна. Бусанна тIайлану: на кIийла дуснакъраву шьявкIссара: цал – ттучандалул витрина гьаргьун тIий, кIилчин – ивну тIий. КIийлагу кIи-кIива барз бувссар дуснакъраву. Актер залданухгу урувгун пиш-пиш тIий ия:

– Вих къахъанай бурув? Мийжаннугу хьусса ишрур. Ми иширттая махъ на аьралий бурж битур буллан лавгссара. Индо-китайнаву агьунав. ЗахIматну бия. Амма чьяни аьдат хьунав. ЦуницIа каний дахIай сьятрахгу урувгун, ванал пресс-конференция къуртал хьушиву баян бивна. Зал утта бувккунна, Ален Делон тIайла уккан ванал хьирив дарвазалучIан бавчунна. Цахъи чулинайну авцIусса ттун хIисав хьуна декан сситтуй студент Ерошиннуий дяъвайсса куц. Ерошин, нигъавххусса куна деканнахгу вичИи дирхьуну, курчIилну бакI кIутIу дуллай ия. Ттун хьуна студентнан ректорнал бакъай банссар тИсса пикри. Цуппа суалнича муксава ахIмакъссагу бакъая. Ялунгума, хIаз бизансса бия.

Жабраил АЬЛИЕВ  
Таржума  
Патимат РАМАЗАНОВАЛ

Бадрижамал АЬЛИЕВА

Ванил сакиншинначину бур Дагъусттаннал паччахIлугьрал Опералул ва балетрал театр. Фестиваль хъанахъиссар ДР-лул Культуралул министерство чIарав бацIаврийну ва Аьрасатнал Композитортурал союзрал Дагъусттаннал отделениялул гурттушиндарайну.

Ванил сакиншинначитурал агьаммур мурад бур республикалул композитортурал творчество машгьур даву. Фестивальданул дур авадансса программа.

Мартрал 2-ний, фестивалданул цалчинсса къини, Оьруснал театрданул хьунмур залдануву, ккаккан бувссар ретро зумунусса шоу-балет «Вернисаж», СССР-нул халкъуннал артист Мурад Къажлаевлул музыкалухунсса, Аьрасатнал Федерациялул лайкъ хьусса артист Муса Оздоевулул постановкалийнуса.

Магьирлугъ

## Дагъусттаннал композитортурал байран

Мартрал 2-ний дайдирихьуну, апрельданул 12-ний МахIачкъалалив лахъи лагантИссар «Дагъусттаннал композитортурал музыкалул панорама» тИсса цанилусса Республикалул VI фестиваль.



Фестиваль наниссаксса гьантрай ккаккан бивантИссар оьрчIансса спектаклу: Аида Жьпаровал музыкалийнуса опера «Дюймовочка», Рамазан Фаталиевлул музыкалийнуса магъа «Навруз». Мукунна хьунтИссар Республикалул Опе-

ралул ва балетрал театрданул хорданул, Халкъуннал инструментирттал оркестрданул, Дагъусттаннал паччахIлугьрал Т. Мурадовлул цанийсса филармониялул камерный оркестрданул концерту ва цаймигу шадлугьру.

ДайлитIунтИссар фестиваль апрельданул 12-ний хьуннасса гала-концертрайну. Шикку Опералул ва балетрал театрданул оркестрданул, хорданул ва солистурал шаллу бивантИссар жулва классиктурал ва ттизаманнул автортурал музыка: Готфрид Хасановлул, Наби Дагировлул, Сергей Агъабатовлул, Мурад Къажлаевлул, Ширвани Чаллаевлул, Рамазан Фаталиевлул, Гюли Камбаровал ва м.ц.

## Жижара


**АБИЛЛУЛ ДУШ  
МАМЕДОВА  
БАСИРАТ**

Вай гъантрай, захІматсса къашайшивруша ххассал къавхъуну, жуятува личІи хъунни нахІу-хІалимсса хасиятрал залу, яхІ бусса зунтгал хъамитайпа, ЧІяйнал шяравасса Мамедова Басират Абилилдул душ.

Бувну бур Басират Абилилдул ва ХІасипатлул кулпатраву 1939-ку шинал. Шанна-мукъра шинавусса Басират ва мунир хъунмур душ РайхІанатгу ХІасипатлул аманат бувну, ппу лавгун ур Хъун дъявлиян. Дъявилул цІарава махъунай зана къавхъуну ур.

Школагу хъинну хъхъичІунну къуртал бувну, Басират бувххун бур шагърулий Машлул техникумравун. Му бувккуну махъ

зана хъуну бур буттал шяравун. Зий бивкІун бур райондалул потребительское общественный машлул даврий. Шяравучув Мамедов ХІажинашал бувну бур ванил оърмулул ташу. Вайнал дянн бивзун бур шама арс ва ххюва душ. Ххаллилну тарбиягу бувну, цала-цала къатрай шябивтун бур.

Басиратлул ва ХІажинал мукъва душнил ЧІяйнал дяннмур даражалул школа къуртал бувссар мусил медаллай ва зий буссар жаваблусса давурттай. ЧІярусса шинну дурссар Басиратлул машлул аралуву зий, инсантурал мурадру шаллу буллай. Лайкъ хъуссар цила даву ккаккялунну дачин даврихлу хІурматрал грамотарттан ва бахшишерттан.

Басират бия лакку мазгу, Лакку биляатгу ххирасса инсан. Ванил хъинну хъуннасса душиву дуссия «Илчи» ва «ЧаннаЦуку» кказитирттал. Чичайссия ми кказитирттайн хъинну мяналул видуруцусса макъалартту, ванил чичайссия назмурдугу.

Лавгунни жула дянн ххаллилсса нину-тарбиячи, жяматрал хъхъичІунсса ишккакку, бювхъусса зунтгал хъамитайпа.

Ялун дирсса хъуннасса къурчІишиву даКІнийхтуну КІидачІлай, жижара буллай бур Басиратлул арсурваврахъ – Артурдхъ, Рамазанхъ, МахІаммадхъ, душваврахъ Аминатхъ, Рамелахъ, ХІасипатхъ, Артемидахъ, Альбинахъ ва махъсса цинявпагу мачча-гъаннахъ.

Имандали лавгун лякъиннав, Алжаннул ххари баннав, гъав нурданун лахъаннав. Амин.

**ЧІяйнал жямат**

## Аьпалул мажлис

**ДаКІний личІансса бия ванал гъунар**


**Ф**евраль зурул 27-ний Лакрал театрдану хъунни Дагъусттаннал халкъуннал артист Шамиль Керимов дуняллийн увккун 75 шин шаврин хас бувсса аьпалул мажлис.


**Зулайхат ТАХАКЪАЕВА**

Артист даКІнийн утан бувкІун бия ванал гъунарданул икрамчитал, гъалмахтал ва гъан-маччами.

Артистнал оърмулия ва творчествалия бувсунни Дагъусттаннал халкъуннал артистка Луиза Шахидолова. Ванил КІицІ лавгунни Шамиль Керимов ккалли хъанай ушиву ларайсса театрал КІулшиву ларъсса цалчинминнавхъсса артистну. Цувгу Лакрал театрдану зун увкІун ур 70-ку шиннардил дянн, Ереваннай театрал институт къуртал бувну. Театрдану вуну бакІрайн агъну ур оърчІниывасса хиялданул увцуну. Школалий царагу мероприятие ля къалагайсса диркІун дур Шамильду чялишсса гурттушинна дакъасса: жагъ байрандалул мажлис бачин бувну, жагъ муний шеърриду ккалай ягу интермедиярттаву гуртту.

Нитти-буттанн бавнувагу ччай къабивкІун бур арснал оърму театрдануцун бахІин ччай ушиву. Шамильду, ниттих вичІидирхъуну, дуклан увххун ур Дагъусттаннал шярваллил хозяйствалул институтравун.

Дуккаву ккаккялунсса диркІ-хъурчагу, даКІмур КІункІу тІий диркІун дур театрдану. Къадарданулу ванацІун кабавкуну бур —1969 шинал Ереваннал театрал институтраву Лакрал студия тІитІайху, Шамильду, лавгун тихун, хъхъичІунну экзаменугу дулуну, увххун ур.

Жагъилнал даКІниывасса гъавас чІалай, актершиврул устгаршиву КІулсса ххаллилсса педагогал, профессор Арташес Овсепян ва доцент Александр Кочарян гъирарай лахъхъин дуллай бивкІун бур, актернал пишалул къюлтІшивуртту. Шамиль Керимовлунгу студентну унува лавхъхъуну бур режиссернал бусаннин къаавцІуну, цала ляхълан рольданува кици. Педагогтурая ЧІявусса лахъхъирчагу, Шамиль даин хІарачат буллай ивкІун ур цала, лягу-лявкуну, язи бугъан рольданува агъаммур. Курсовой давурттугума мукун шаллу дуллай ивкІун ур.

Артист даКІнийн бутлан икІайва тІар, цуксса захІмат хъуссарив цанма А. Ширванизадел «Из-за чести» тІисса пьесалува са бутІува роль дугъан. Педагогал, архІал дуклакими, цайми студиярттай дуклакисса гъалмахтал хІарачат буллай бивкІхъурчагу кумаг бан, цала геройнал биография КІанийн буттун лакъавхъхъуну, ганал куц аьч къабуну паракъат къавхъуну ур. Ахиргу, хІасул дурну дур Арташес Оторяннул хІакъсса сипат.

Шамиль Керимовлул дургъусса роллу даКІнийн дирчунни ДР-лул Театрал ишккаккултрал союзрал хъунаманал хъиривчу Байсолтан Осаевлул, Дагъусттаннал телевидениялул хъунаманал хъиривчу Салам Хавчаевлул, Лакрал райондалул администрациялул бакІчинал хъиривчу Яв-

супи ХІамзаевлул, Дагъусттаннал халкъуннал артист Нариман Акавовлул.

Буслай бия Шамиль Керимовлул цачІу дурсса давурттай, КІицІ лаглай бия ванал дургъусса гъарчагу роль диркІшиву яргсса, хІакъинусса къининийнгу тамашачитуран даКІний лирчІсса: биргъаравсса Городничий Н.В.Гоголлул «Ревизорданува», Надир-шагънал абрал ххит бувсса зунтгал агъалинал къюкълул бакІчи, Лакрал миллатрал виричу Хан-Муртазааьли. Цинярдагу личІи-личІисса, цанниха ца къалархъхъусса роллу. Иминсса, цала цува увгъусса ХІасан, Р.Хубецовал «Нитти дурксса цІа» пьесалува, ренессанс заманул инсан, князь Оьмахан К. Мазаевлул «Гъази-Гъумучий серенадалу», дачІра хъусса шярваллия, КІикку цурдалу лирчІсса ялгъузсса Удрида бавая пикирдай, шагърулул ва шярваллил дья-зумани ливчІсса Мансур К. Мазаевлул «Удрида бава» пьесалуву, «Семья» тІисса Дагъусттаннал телевидениялий дурксса цалчинсса сериалданува кулпатрал бакІ.

Цала яргсса гъунарданулу «Дагъусттаннал халкъуннал артист» тІисса ларайсса цІанин дахъа-дахъа лайкъ хъусса Шамиль Керимов лавмартсса цІуцІаврил уцан увну ур сахІалия, дукъаргъунна лирчІун дур артистнал цІа дуккан дансса ярг-яргсса роллу. Лавмартсса цІуцІаврил зевххунни оърмулул чагъираву жула дянн ххаллилсса артист.

Ихтилатирттая махъ ккакКеримовлул дургъусса Городничий рольданун цила ЧІумал центральный прессалул лавайсса къимат бивщуну бивкІсса Н.В.Гоголлул пьесалиясса спектакль «Ревизор».

Муния махъ Дагъусттаннал халкъуннал артист Аслан МахІаммадовлул КІицІ лавгуна, гъунар бусса яргсса актер ушивруцІун, Шамиль Керимов ивкІшиву Лакрал театрданул гъарчагу буруккин цалану хІисав буллай, мунил цІаний цашава шаймур буллалисса инсан. Ахирданий Шамиль Керимовлул уссил Апаннинал ва кулпатрал ПатІиматлул ссил душнил Сабинал барчаллагъ увкуна Лакрал театрданул каялувчитурахъ ва коллективрахъ, гъанчунал аьпаябуллай бушиврухлу.


**ЧУПАЛАВЛ АРС  
МАХІАММАДОВ  
АЗДАР**

Утигъанну, оърмулулгу къавучуну, жуятува личІи хъунни ххаллилсса, жяматран бусравсса ккуркличу МахІаммадов Аздар Чупалавл арс.

Увну ур Аздар 1959 шинал Ккуркуллал шяраву, учительтурал кулпатраву.

Ккуркуллал школагу къур-

тал бувну, увххун ур Дагъусттаннал политехникалул институтравун. Му къуртал бувну махъ зий ивкІун ур личІи-личІисса КІанттурдай, строительнал пишалуцІун дархІусса давурттай.

Школалий дуклакниыва Аздар ия цІуллу-цІакъсса, спортрал чулуха итхъяхъсса жагъил. Мудан хъхъичІунсса КІанттурду бугъайссия райондалул ва республикалул лагрулийсса спортрал бьаст-ччаллаву. Ва ккаллину икІайссия яла хъхъичІунма лечун. Ва дуклакисса шиннардай Ккуркуллал школалул спортрал команда райондали хъхъичІунминнувах дикІайссия.

Аздар ия дугъресса, аьчхъусса, даКІ-аьмал хъинсса, гъарнан цашава шайсса кумаг бан ччисса инсан. Бия ванал ЧІявусса дусталгу. Ххира хъунсса ия цувагу.

Аздар аьпалул шаврил къурчІишиву КІидачІлай, жижара буллай буру ниттих, ссихъ, кулпатрахъ, оърчІлахъ, махъсса циняв гъан-маччанахъ. РухІ хъинний дишиннав. Алжаннул ххари аннав. Ванан къабулусса оърму махъсса цинявнан булуннав.

**Ккуркуллал жямат**

## Объявление

**КВАРТИРЫ ОТ ЗАСТРОЙЩИКА**

*В разных районах города Махачкалы с котлована.*

**В**арианты – рассрочка, без первоначального взноса, материнский капитал, авто, полная оплата.

Турели

Старая Каспийская трасса

Северная автостанция, Ленинкент  
Южная автостанция, А. Султана

**Справки по тел.:  
8(928)5069090**

### Лакрал халкъуннал учаларттава

Клачлания янна ликкан кьашииссар.

Кьацлил – нахлуя тлий, лякъул – кьадирунни тлий.

Ккаччил зумув – ттаркI.

Ккаччил цурк ккашил хьунни байсса.

Ккашилма – кучалий, клачлама – шава.

Клачланан гьарая нигь дакъассар.

Кьусух дартлун, клчал-ттух дачлай.

Кьуцурттуйгу кьацI биклайссар.

Кюланияр хьацара хьа-дуккайсса.

Кьавахь букарчан, хьува ябува, ккунук канарчан, аьна-кли ябува.

Кьатта бакьул хьус чIаруссар, су бакьул кьама чIавуссар.

Кьатлувату чувнал кьапа чан кьабаннав.

Кьарчигьай хьалуь ябай-сса клану бур.

Кьурайзунал чIатти-равугума пта ва чIулу диклай-ссар.

Кьурухьу Заннангу ххи-рассар.



### ХIуру нис – кьюкIлин


Жулла кьюкIлин яла мюн-патмур сурсатну хьанахьис-сар хIуру нис (творог). Вани-ву чIавуссар сосудирттан чара бакъа аьркинсса белокру, му-кунма витамин Д, цилгу агьам-сса клану бугьлагьисса нервар-дал ва кьюкIлил системартту ххуйну зузавриву.

### Арулла азардания – ца гьивч

Гьантлун ца гьивч букаву ккаллиссар арулла азардания-сса дайшишурулун. Гьивчул яла хьуннамур аваданшивуну хьа-нахьиссар шивусса антиокси-дантру, цалгу инсан кьюкIлил ва сосудирттал азардая, ччяни хьу-нав шаврия уручлачисса.

Ялагу ца агьамсса клану: ахьулсса хьунмасса хIаллай ядуллалисса, чIумал шивусса ви-таминну кьаличIарчангу ягу чан

## «Илчи» – маслихатчи



хьурчангу, антиоксидантруми бусса куццуй личIайссар.

Гьивч цуппагу, бюхьавай, був-куну хьинссар ккирттарашал.

Шиккува кIицI лаган, шюл-лимур гьивч ятIулмунир хьин-ссар.

### Бадиржан – ттул жан

Бадиржан (баклажан) жунна хьинну хьинссар. Ванивуцирив мюнпатсса затру хIисав дуллан бивкIукун, вайннул, кальцийрая тIайла хьуну, цинкрайн бияннин,

Менделеевлул таблицалувусса хьинми затирттал сайки диялсса сияхI шаллу дулла дур.

### Мандарин – жагьилшиврун

С витамин бусса цаймигу ахьулссаннул кунна, мандарин-налгу кумаг бувайссар жагьил-шиву дуруччин. Хьунав шаврийн кьаршину дацIайсса затирттал сияхIрай цитрусрал ахьулсса шамилчинсса кланай дур.

**ХIадур бувссар Бадрижамал АБЛИЕВАЛ**

## Буттал аьрщарахсса мякълилу бувцуну

Вай гьантрай Гьумукун бувкIун бия Екатеринбург шагьрулий Ялапар хьанахьисса Яна Раджабова, цила буттал мархри ши-ччасса бушиву кIул бувну.



Зулайхат ТАХАКЪАЕВА

Мунил хIакьираву цала Телеграм-каналаний буслай ур

Лакрал райондалул бакIчи Юсуп МахIаммадов.

– Вай гьантрай на хьунаавкьу-ра караматсса хьамитайпалушлал.

Яна Раджабова Гьумукун бувкIун бур буттал мархрах луглай, ппухь-луннал аьрщарахсса мякълилу був-цуну. Шикку ванил льякъьуну бур цила буттал Бадавинал кьаттагу. ХIайран хьуну ливчIунна буттал ул-кул тарихрая кIул бан ччисса ванил дакIнил гьавасрай. Кьадарданул дун-ияллийх кIама бишун бувсса жула ватанлувтуран эьратну хьунсар тIий ура ва ишгу, – тIий ур Юсуп МахIаммадов.


Ххарину буслай бур Яна, буттал ватандалийнсса аьрххи тIайлабацIусса хьунни тIий.

– Цинявннал на, ваца ттухва ялугьлай бивкIсса кунна, хьунабав-кьунна, дакIру тIиртIуну. Гьарма ия хьамалу оьвтIий. Дурунни ххаллил-сса хьамалушин. Ххал бав кIива му-зей, шанма мизит. Я батIин кьахьа-най ливчIунна зунттал тIабиаьтрая. Асардалу бувччуну най бура махь-унмай, дакIгу шийх, буттал ватанда-лий, кьариртун. Заннал кабавкьуну, бучIанна гьинттул, ттула душгу був-цуну, – тIий бур Яна.

(Яна Раджабова аьрххилия балжину бусанну хьиривмур но-мерданий)


### ЧIунлахьиялун

КIяламиннул 2 ходрай мат дихьлай бур.




1. f6 Kрh5 2. f8g5  
I. Kрh3 2. f4h4x

### МАХIАЧКЪАЛА



### Гьавалул тагьар



### ГЬУМУЧИ



Газета «Илчи» (Вестник)

Учредитель:  
Агентство информации и печати  
Республики Дагестан

Хьунама редакторнахлу:  
БАШАЕВ Р.М.  
Тел.. 65-00-07

Кьардашов Р. Ав. Тел. 65-03-12  
хьунама редакторнал хьиривма

**Редколлегия:**  
Адамов АбдурахIман  
МахIаммадович  
Аьлиев ХIажи Сулайманович  
Исрапилов Артур Анварович  
КьурбанмахIаммадов Чанкура  
Рамазанович  
Маммаев Сулайман  
Нураттинович  
МахIаммадов Юсуп ХIамидович  
Хаппалаев Аслан Юсупович  
Хасаева Гульшан Рамазановна  
ХIажимирзаев Зиябуттин  
Абусупиянович  
Шалласуев Шалласу Рамазанович  
Эльдарова Роза ХIажиевна

**Отделлал редактортал:**  
Абдуллаева А. П.  
Аьдилов ХI. А.  
Рамазанова П. ХI.  
Тахакьаева З. К.  
ХIусайнаева К.А.

**Подпискалуд отдел:**  
Абдуллаев А. Кь.

**Корреспондентьгал:**  
АьбдурахIманова З. Т.  
Аьлиева Б. Д.  
Саидова И. А.

**Корректор:**  
АхIмадова А.И.

**Кказитрал компьютерданул цех:**  
Абакарова К. Н.  
ХIажиева З. У.

Кказитрай дурксса макьаларттаву кIицI лавгмур тIайлашиврул жаваб дулайссар чивчуманал. Редакция макьалалул залуннал пикирий рязину бакьаьхурчагу, макьала ришайссар, жяматрал цаламур пикири бусанссар тIисса ниятрай. Кказитрайн дуркIсса макьаларттайн рецензия кьачи-чайссар ва ми залуннахьхун зана кьадайссар.

Кказит буккайссар нюжмардий цал. Шинай итабакьайссар 52 номер.

Кказитрал индекс. П7046  
Тираж – 2150 экз.

**Адрес редакции и издателя:**  
367018, г. Махачкала,  
пр-т Насрутдинова, 1а  
e-mail: ilchi@rambler.ru  
http://ilchi.info  
Тел./факс. 65-00-07

Газета «Илчи» зарегистрирована  
Управлением Федеральной службы  
по надзору в сфере связи, инфор-  
мационных технологий и массовых  
коммуникаций по РД.  
Рег. ПИ № ТУ 05-00424  
от 30.04.2019

Газета «Илчи» отпечатана  
в типографии ООО «Издательство  
«Лотос».  
367018, РД г. Махачкала,  
Пр-т Насрутдинова, 1а  
Срок подписания в печать 19.00.  
Подписано 19.00.  
Цена свободная



4 651116 280051